

序



夫邑之有志猶國之有史家之有乘所以示流傳於邦藉資考証於將來屬邑青陽乃古臨城其間山水之清奇人文之薈萃稱盛久恐散軼難稽前明洪武初邑佐丁公遂始輯而成志凡十七郡之名物無不開卷昭然後者快之厥後因


文纂述賢之相繼考訂愈詳迨我

朝順治十四年楊公夢鯉仍前志作六原越乾隆四十一年段公中律易六原為十志俾百有二十二年之事蹟搜載無遺上承不缺至矣美矣自今溯昔相距已百有餘歲流風遺俗可表跡多不有所傳雖賢易著不有所考雖美弗彰庶寘冬邑全萃

公桂禮紳侶修甫設局而以事去攝篆者
廖公先珩為之按籍廖固豫章名宿
來權是邑編成特以示予予喜其有切
於邑也遂用為之序

光緒十七年歲次辛卯冬十月

鐵嶺文明



重修青陽縣志序

邑之有志猶國之有史也豈惟紀山川之勝侈物產之華以供博覽云爾哉蓋纂言記事將以驗風俗之盛衰見政治之得失俾官斯土者興利除弊有以紹前徽而昭茲來許焉青陽縣志自前明洪武及成化宏治間代有作人而未及毀梓考古者不免抱簡斷編殘之慨耳我

青陽縣志

卷一

序一

朝乾隆四十五年前令段公倣通志而纂修之其書於是乎成至同治庚午以重修通志輯各縣志稿雖經蕭前令續編六本未及合修不無缺畧則其間百餘年中人事之廢興戶口之增減以及忠臣孝子義夫節婦之遺軼弗彰者可勝道哉况是邦居

金陵上游九華一山靈秀罕匹而銅湖五
溪之水與大江相吞吐一江左名區也惟
遭兵燹凋殘殆甚予以癸未歲承乏是邦
官拙民貧相安無事公餘多暇輒覽遺編
訪古蹟與二三父老談風土人情之厚薄
以推夫盛衰治亂之由蓋經

國恩培養二十年來而地方元氣未能遽復

青陽縣志

卷一

序二

也故修志之議有志未逮而適有調署當
塗之行及丁亥還任自憶前既建五城樓
先其所急復捐廉修天台要道造南河橋
濬城內外河道築北河大隄十餘里地方
急務以次畧舉則修志更難視為緩圖焉
庚寅冬遂邀集各都紳士籌款開局以
周蓉裳廣文留心古學著書已行海內因

請總纂志稿至採訪校對則邑紳分任之
業經通稟

各大憲批准遵辦在案原期缺者補之繁
者刪之訛者正之新者續之錯亂者條理
而整齊之庶綱舉目張燦然大備以仰體
聖朝徵文考獻之意使載諸志者彬彬乎成一
方之典要而備省府志采擇之基所以紹

青陽縣志

卷一

序三

前徽而昭茲來許者豈徒予之深幸也哉
皇清光緒十有七年歲次辛卯三月上澣

誥授奉政大夫

賞戴花翎同知銜前鑲白旗

漢教習知青陽縣事天津華椿榮萱甫序
并書



重修青陽縣志序

歲在辛卯季春月上浣予捧檄權篆青陽下車伊始日與邑中士大夫接見訪求政教先後利弊興革諸大端因悉有重修志乘一舉局雖設而工尚未開也先是前任華明府於上年冬杪邀集眾紳議修邑志籌畫經費釐訂條例並聘請西齋周蓉裳

學博為之總纂時則冬春遞嬗百務空總迨二月華君又得去任之耗事幾中輟予以菲材承乏斯土學殖荒蕪何敢力任文事為諸君倡幸學博周蓉裳偕邑紳陳樂山王篤材施得雲蘇習初徐丹初江履安鮑坦菴汪學明吳鴻宇孫作舟劉國勳胡柳帆諸君志堅力卓務竟是役催令各都

紳董將底稿送齊天中節後相約赴局悉心校雠斟酌盡善損益得宜數閱月而繡諸梨棗書成請予一言以弁簡端予維志書之作所以紀事實資考鏡非徒誇一代之文物備一時之檢閱而已也舉凡山川地理之勝賦稅生齒之繁風俗人才之盛學校壇場之美人馬忠孝節義之著士馬

文學才行之高與夫名宦政績題詠詩文靡不分門別類登載無遺俾後之覽是書者於形勝風土山川人物古蹟名宦文類詩章瞭然在目每因盛衰興廢之故而施其挽回補救之權於以正疆域奠民物厚風俗培人材蒸蒸日上不難躋阜康熙晏之盛軌也其獲益豈淺鮮哉

省維

光緒十有七年仲冬月

穀旦

同知銜署理青陽縣事奉新廖光珩

謹撰



光緒辛卯重脩青陽縣志序

今百里之縣視古一大國然而山脈
多夫川水紛無名山出限於勢也青
陽幅員百里而近蓮華半九十九
峯一峰插雲漢錯踞縣畿之
半而北有銅湖飛帆鼓楫與大江
相吞咄咄高水深茫擅其奇其地則

少自解故宮陵陽傑蹟供奉賓客之
所遊詠文正陽明之所坐論膏腴
鱗次形勝天設地平則宜由教有
資負世契以戰守足恃其扶輿礪
礪之氣鍾而為孝子為忠臣為
義夫節婦揆文奮武真家傑
代生足以藉教

皇猷而干城

聖教之奚啻穴之王卓錫指見為江左名
也哉予自壯歲從我舅幕往來
九華山下神往久之及試禮闈晤
諸君子於京邸以細詢山水之奇九
華之泉時崇崇為窟而成招羅交徃
補苴邑訓導與此邦山水亦有緣焉

值華華榮壹明府復蒞三石去脩廢
峯墜唐寅冬以不海提督奏志稿請諸
上臺時雜後五方雜也倏僕華竊叢
廩梅美年春極接物象星出星入而
於志乘尤兢之舊志脩於乾隆乙寅
忽隋首有餘歲兵燹後殘編僅存一
編千鈞於是乎始也故也次續修較

諸平昔其多尤難而女甥力之尤亟蒐
而輯之增舊帙為十二卷幸知文如克
服稿是之舉也 郡尊文公攬其綱
彙年侯徑其始 庶幾董其成此舉
子勸其多至予之提墓所謂碑之因
人成其耳願青陽之立國始少舉
置縣始漢以青陽名知始唐書陽

青陽縣志

卷二

圖序三

之有志始明而推本於青陽之以國
名縣則自今茲續脩始夫以是邦山
水之奇彙筆此第志寸之不足以發
揮不忠山水之不足以供其發揮
也然而脩志之志所為不負此山水
其要莊嚴政治美風俗以輔教

皇猷而干城

聖教非徒調耶壑矜軒冕之爾也

國家承平二百餘年青邑忠義節孝
盛於他縣咸出未身寇圍城軍民
日夜死守糧絕無異心四鄉男女
雞相望予嘗偕諸父老登覽故障
談園中情狀恨當時無堅壁清
野之謀如錢江故多不兵守險以相
犄角矧今孤城坐困四鄉恣其蹂
躪也然而忠肝烈膽氣壯山河蓋
聖教之淪浹深矣伏讀

聖諭廣訓黜異共端崇正學二條以之立政

則道一以之訓俗則風同非特學子
官所當恪遵實萃年以士大夫
所當恪遵者或問今異端蜂起將

所以黜之曰以崇之其黜之而已為臣
盡忠為子盡孝官愛民如子而民
愛之如父母一邑如是是邑如是抑
安有異端之可黜乎然則是編
之脩固大有關於山水實與大有關
於世道人心用是以黼黻
皇敵而干城

聖教則在官此邦共與此邦人士之
無負此山水矣

誥授奉政大夫 賞戴花翎同知銜
保陞知縣前廬江縣教諭管
青陽縣訓導事苑陵園贊
恭谷袁并書



續修青陽縣志跋

青陽縣志修於乾隆壬寅迄今百有餘載已
不勝世遠年湮之感矣况遭兵燹舊志僅存
一部在山川名勝雖無陵谷變遷之慮惟邑
中英賢輩出節義挺生其昭昭在人耳目者
固無美之弗彰但念窮鄉僻壤有一意孤行
不求表見以及巾幗守貞含辛茹苦沒齒空

閨斯即有留心風化加意搜採之者亦幾歎
耳目之難遍及耳將欲徵文考獻誰復起九
原而問之乎故百餘年墜緒一旦舉之良非
易易今次續修賴 華榮護明府倡其始
廖梅羹明府集其成 周蓉裳同寅摛其文
青邑之賢士大夫徵其實不數月條分縷析
網舉目張卓然而成一邑之大觀僕不佞亦

欣然執筆濡墨而樂從其後焉是為跋
大清光緒拾有柒年歲次辛卯孟冬月穀旦
欽加五品頂戴賞戴藍翎內閣中書銜建德
縣教諭青陽縣教諭古大雷梅蓀南龍鳳
梧譔并書

青陽縣志序

青陽古臨城舊治也地居皖江東南下游當吳楚之交幅員不過十七而靈鍾九子清挹五溪山川深秀風土質樸亦一都會也昉青志創自邑佐丁公修於前明洪武初及萬厯邑博曹倫繼之厥後邑長蘇公萬民蔡公立身傳公賓繼之亦越

國朝順治中楊公夢鯉乾隆四十七年段公中律又繼之累代踵訂因事增詳加以鄉先正參覈精實舉典無遺洵稱大備迄今又百有十年矣咸同之際頻遭兵燹四境流離民人失所文物掌故之遺百不存一鮮不謂青志續修之難莫有難於此矣然某謂青志宜修之亟又誠有莫亟於此者

何也當此之時老成凋謝矣文獻無徵矣苟無人焉能舉廢而興墜奚傳後而信今適逢運際

昌明

於同治年間皖垣議修省志通飭各屬邑志彙稿上陳以備採擇前邑侯蕭爰集各都紳士會商修葺是時烽煙初熄民困未蘇所採入者半皆戮力行閒殉身溝壑大

青陽縣志

卷一

序

都忠魂義魄烈婦貞女之事蹟居多略編篆數卷申上倉猝應命而書未告成光緒戊子邑侯華君重莅斯土理煩治劇僕僕年餘迄庚寅冬慨然懼青志之失修而有志勤斯職也商之學博周君通稟大吏札飭遵辦并邀集各都人士會議設局興修刻期蒞事誠善舉也惜局設旬餘而華

君又以事別調去任矣某等謬膺斯役終日兢兢懼滋蚊負開列條目十六而博採旁搜分門別類一遵前志舊章毋濫毋遺以期考信徵實書所謂監于成憲永無愆者敢不慄乎哉幸獲新邑侯廖君攝涖我青下車伊始首重邑志之修以為實有關乎吏治民風之大而非徒以揚芬摘藻為

能又幸得學博周君鴻裁巨製史兼三長釐剔而更新之膏沐而潤澤之以揜其鄙陋無文之誚書成庶幾莊不傷雅質有其文體裁適中信斯志也不特證之省志具見根原即他日修乎府志可定為張本矣豈不懿哉謹序

光緒十八年五月

邑人陳謚謹撰

光緒拾七年續修青陽縣志職名

鑒定

特授池州府知府鐵嶺文明

特授青陽縣知縣天津華椿

署理青陽縣知縣奉新廖光珩

總纂

青陽縣儒學訓導甯國周贊

參訂

青陽縣儒學教諭望江龍鳳梧

分校

青陽縣志

卷一

五

前任雲南鎮雄州知州陳謐

現任當塗縣教諭曹笙南

黟縣教諭徐人驥

現任甯國縣教諭曹夢華

廩貢生候選訓導江壽祺

庚午科舉人鮑賓鴻

癸酉科舉人徐鳳喈

乙酉科舉人王元

恩賜辛卯科舉人陳楠

歲貢生施龍章

歲

貢

生

蘇復經

恩

貢

生

徐敬銘

恩

貢

生

王聘賢

恩

貢

生

吳芳泗

歲

貢

生

徐耀焜

廩

貢

生

汪一清

廩

生

劉耿懷

廩

生

吳念慈

廩

生

陳琳

增

生

胡觀濤

生

員

孫濟川

監

生

鮑廷琛

采訪

從

九

何宗漢

監

生

徐誦

生

員

孫名譽

增

生

袁炳林

生

員

孫錫榮

附

貢

生

江瑞

生

員

柏文蔚

生

員

張煌

生

員

羅思純

生

員

姜羽儀

附

貢

生

朱時亮

生

員

曹芬

生

員

甯升階

生

員

陳志鼎

生

員

章永清

增

貢

生

徐鍾

生

員

陳芳

七

從

九

王祥麟

生

員

王賓

廩

生

施聯奎

從

九

陳所欲

生

員

江淬鋒

生

員

程孔昭

生

員

孫立成

生

員

沈周翰

生

員

陳師鞠

監

生

倪佳璧

生

員

阮獻廷

從

九

羅靜安

職

員

陳選魁

從

九

方榮周

生

員

章灝

監

生

李肇堂

生

員

楊春第

附

貢

生

章一清

生

員

吳林

生

員

徐建忠

生

員

吳超羣

序

初刻青陽縣志序

曹 綸

青陽古臨城邑唐初易今名以其在青山之陽也歷宋元俱隸涇川宛陵今爲池州屬邑洪武初主簿陳公子通作志未成成化間邑人僉事陳公輕繼爲之亦未就緒宏治間纂修憲廟實錄知縣楊公文屬庠生吳策陳九疇重修之始克成編亦未錄梓夫郡邑之有志猶國家之有史紀載事文網維世教所以昭勸懲而淑風化也綸不敏謬司庠政有海菴之志久矣顧拘於勢分而事實不敢顯今年冬適得少司徒李公大巡王公檄所屬郡邑修志將轉聞于上以備采擇邑侯包公廣屬綸偕司訓

溫公玉及庠生吳管方俶共修輯凡規制條格悉以郡志爲法仍以舊編參酌之提其大綱聯其眾目古今載籍必鑿鑿可信者始書之廼付主簿竹公友梅典史王公秀刻焉蓋青陽爲畿輔近邑山川毓秀生於斯若費冠卿之孝義仕於斯若竇子明韋仲堪之德政寓於斯若李太白滕子京之詞翰勳績聞厥休聲皆足以使人興起茲皆備書於冊爲士民者一開卷間秉彝好德之心勃然而興將有所以企之者矣況茲志之修自洪武歷成化宏治比于今日而得爲成書無亦有數焉存乎其間耶若夫采擇未周參訂未詳魯魚亥豕之訛固不敢保其必無刪述揅正而增損之竊有望於後之君子庸書此以識歲月

重修青陽縣志序

沈懋學

古郡縣之有志所以識也昔神禹八載以勞天下彼其於赤縣神州卽大荒之外足蹟徧焉洎元圭告成而作禹貢其後秦氏改封建爲郡縣先王疆理之迹多破壞不存於是始有志夫五方之土上應星躔下辨疆域若山川形勝風俗物產錢穀貢賦名賢政蹟匪志則弗傳右文之世依以修辭考古之士依以博踪守土之臣依以鏡理何可廢也江陵蘇公爲青陽多惠政又雅好弔古探奇愬邑文獻之散佚而爲縣志志成而屬懋學序之按青陽古揚州域漢丹陽郡涇縣地三國屬吳置臨城縣晉屬宣城唐始建青陽屬池州

青陽縣志

卷一

序

二

國朝因之其大略具郡志中而縣別有志者識其詳也蘇君之修之也首輿地次星野次官制次祀典次惠政次建置次登庸次藝文次雜志總若干卷用意亦良劬矣俾後來藻雅者考迹而知故宰物者索塗而求理君子曰讀青陽志而知令長之所以治也

重修縣志序

蔡立身

立身旣受命令青兢兢焉求所以稱民社者茫無睹也會前令秦公獅江貽以縣志舊本凡十二卷十一萬九千言有奇竟夕盡取而讀之居頃之周行郊野諏訪父老考訂故實多不盡合而薦紳先生亦頗有卷袞繁浩之譏焉昔班孟堅氏志西京以

二百一十四年事而該之八十萬言說者猶品而實之司馬子長之下矧以一十七里邑而張溢十一萬言不續鳧頸乎是咸孟正初吉四郊積雪郵報暫闕對九華展四牖緝舊籍究始因呼童供筆石取其繁複者芟之缺者補之訛者正之隱者章之不經者剷削之未備者綴入之作原邑原宇原財原材原治原藝六篇閑集學博諸生雜質疑義而定焉甫公退篝燈親屬爲藁稿具總六萬八千言辭雖省而事則增奉以請政于太府何公命付剗剗成編或曰子之爲是編也獨爲而獨成之檢覈精而纂次勤矣無乃非政之所急乎應之曰是正所以爲政也夫政者正也觀乎原邑而知建設之慮遠也觀乎原宇而知垣

墉之宜勤也觀乎原財而知東南民力竭矣觀乎原材而百已什已可致陽鱗可馭觀乎原治而無於水監宜於民監觀乎原藝而炳炳琅琅精英足述若集方醫療而民痼可瘳也昔聞宓子單父雅事鳴琴武城弦誦治宗學道所貴乎微逸軌於當年垂芳摹於來紹資理學於仕優不敷聞以康保暢甸輔之熙風偕小邑於大道攀九子以增崇酌清泉而逾皓如徒曰具文具文云爾彼纏纏者具在何空取前聞人績藻紛更之爲

青陽縣志序

施堯臣

邑人順天府尹

邑之有志古職方氏之遺也職方爲九州之志志固一邑之職方稽社事垂永監史體也青陽志正德間始修於曹邑博綸至

萬曆初蘇侯萬民復修之曹雖簡略猶質直蘇直考績之後匆戒裝無暇操觚誣俗之弊且猶不免覽者病之萬曆壬辰鳳池蔡侯捧檄始至侯少魁南省夙稱雄才又嘗刪補書傳蓋富於學而優於識者其爲政誠心洞徹表裏無瑕毫不可干以私是正所謂有至公無我之心者於修志乎何有夫事必有所由起而後言辭有所由立以一邑之人民而欲使之各得其所固不可不各求其當也志焉而不察其原則往牒相仍不無失實脫漏舛謬胥吏得緣爲奸非惟不足以示信而反足以滋僞也矣故侯設六條而特以原名篇原之云者核其實而求其當者無所不思則無所不當卽六條而一邑之事盡之矣卽一原而

六條之皆盡之矣繁亂者刪之訛舛者正之缺遺者補之其或有見之確而未行行之善而未盡者亦必續其定論於後事視舊加詳而文則損舊之半真所謂辨而不華質而不俚者不亦良史也哉侯任曾未一載而法無滲漏人無玩愒舉困極之民胥躋之嬉遊歌舞之域率是道也時并修九華志公餘檢閱不數月而脫稿人無知者稿出謂余曰邑之善否吾裁之無煩邑人吾之善否則請邑人裁之余年八十一矣承之而不能辭讀之終篇而幸其爲冰鑑也是爲序

重修縣志序

傅 賓 本邑令

邑之有志也昉古列國路史也編年紀事體不一裁櫛杙春秋

國不一名而要於勒善敗示勸懲其義一也後之爲志者吾惑焉鋪張揚厲自失面目繪山川之勝則秦岱紛峙侈物產之麗則珍錯遍列原古蹟之奇則頡繇家載誇名賢宦跡之盛則鄒魯比肩而龔黃接踵甚且當代不足乞之先朝境內不足借之流寓至一命之榮單詞之褒無不臚列焉夫幻而不勝攷者古也多而不勝舉者事也濫而不勝收者詞也攀而不勝附者情也敝汗簡以徇所不勝奚貴信史爲邑故有志江陵蘇君病曹志之太略也增而新之平陽蔡君又病蘇志之太繁也裁而新之略者正近始之初事簡文質猶存古意而繁者出於累代潤色之後鋪張過實遂不免誣俗之譏善乎平陽之裁也爲原文

六篇以彙括其大要而節目犁然事詳而文損彰勸而寓懲庶幾古良史之遺焉逞歲藏者弗戒於火板是用燼邑諸士謀所以重新之余曰九子雲峰青獨摺也青蓮金鎖青獨鍾也希文之故宅陽明之履齒尚可尋而探不必借而乞也邑多君子士多實行而存之載籍者不數數豈非風淳而不善標飾史質而不善浮諛乎夫事不當者雖十易不爲病平陽業稱信史矣吾何爲而不仍舊業已重鏗矣又安得而盡仍其舊廢興沿革各有時矣人材節行日有加矣謀議文章歲不同矣循其規續其所未備以俟諸後可也持以謀諸學博蔡君蔡君曰善爲公哀而成之遂付諸梓

青陽縣志序

王一楨

邑人湖廣布政

夫志以鏡往詔來與國史垂不朽所關治教良非小矣余青歷代相沿隸股肱郡舊故有志列侯創者修者代不乏也第俗尚以風教漸殊物力以豐歉頓異前志得失亡論卽近自平陽蔡侯讐校至今蓋十數稔矣其間政治之沿革人事之廢修戶口之登耗人文之盛衰日更月變指不勝屈時并舊志且煨燼矣卽欲考證其何由而可以爲邑乎哉浣溪傅侯來蒞茲土天才駿發政治刃解案無留牘且一切奉法循理與民休息未兩月而雍容化洽暇嘗取舊志覽而歎曰此文獻所在也何令淪湮若此遂操觚爲重輯之提綱列目纂要鉤元雖不盡任散軼亦

青陽縣志

卷一

序

六

不盡逞胸臆直削平陽之舊以自侈大都惟缺者續之訛者釐之蕪者芟之隱者闡之考究未實者核之臧否未當者衡之諸潤色裁製一稟至正無私之心以叅酌於其間誠所謂詳而不漫質而不俚美而不溢洋洋乎足備一邑之典實而昭後世之鑒觀也其有裨於治教豈淺哉昔司馬子長作史記一言而勸懲若華袞鈇鉞千百世而下稱其公而直侯此舉倘亦卽其意乎不佞以行役過梓里適逢其盛舉也謹爲之序以綴諸簡末

修縣志序

楊夢鯉

古者志書之設義昉於職方自郡縣旣分各有守土於是四方之事邑各有志備載其山川土田風俗人物貨產之宜以博採

攬論者謂功與史等但史兼善惡而志取褒美史詳議論而志專叙述規制體裁不同繁簡亦異要主乎網羅放失宣諭風教已也青雖褊壤當江南衝會之區其山川土田風俗人物貨產載諸前志者詳矣獨是時代曠遠其間名卿鉅儒幽媛貞士豈無抑而不彰者於是刪繁正訛蒐集闡揚凡以仰副

右文興治之意使列諸誌載者彬彬質有其文予譎劣少文方懼不克勝任然品隲芳貞則故老之傳聞足述叅互同異則名碩之諮諏猶存因而流覽剖抉悉加釐訂一篇中嘗三致意後之官斯土者試由繹斯編犁然畢具矣踵而增之是則予之厚望也夫

青陽縣志

卷一

序

七

重修青陽縣志序

安徽學政徐立綱

癸巳春余以國子監學正

多充四庫館分校官是時

天子方求天下遺書四方輦至者萬萬計上自經史下迄州縣郡志罔不畢集余於一統志外見江南通志攬其山川攷其文物與夫賢守令之所建樹未嘗不歎聲名之盛所從來者遠也及余之奉

詔而來皖也皖據江上游於江南中分爲上江與下江風氣差別論者謂吳會以下多水少山其人溫潤而美秀其文雍容而讓揖建業以上多山少水其人忠信而質實其文敦篤而純厚余未

能盡知下江之何若而所謂忠信質實敦篤純厚者固深信而無疑夫川之上有山山之間有川此形勢使然也何生其十者成就之不同遂往往如是余獨以爲磅礴鬱積存乎地者也觀摩則傲存乎人者也而民俗之得失文運之盛衰則上之人潛移默化於不及覺也余駐劄當塗去池較近而青於池爲名邑歲科兩試得士甚夥一二傑出乃又能浸淫醞釀不懈而及於古於曩者忠信質實敦篤純厚之謂似更有進也則意者九華諸峰啟其秀而發其光耶又或雙溪四可諸先生有以維持於數百年後耶不然何上江擅江南之勝而青邑又能悉有上江之勝也然要非 郡守張公 縣令段公之沐浴膏澤固未克

青陽縣志

卷一

序

八

臻此 張公治池最久得池人之心最深 段公之於青也亦歷八年崇信明讓教稼觀桑數載以來卓卓可紀他若修學宮立蜡廟整治農官望華諸亭雖往古循吏諒不之過茲又以所纂縣志問序於予夫體例之當去取之精 公之自序與都人士之頌 公者已詳且盡余何庸贅焉余惟歷敘前此企慕之情證以今日校比之日知其山川之盛文物之饒賢守令之所建樹必將有著作之才出而鼓吹休明以應我

國家文治之隆者遂約略著於簡端

重修青陽縣志序

分巡道 張士範

周官外史掌四方之志誠以志也者所以審天時察地利觀土

俗驗民風與夫垂善敗之炯戒攷文獻之流傳爲典至鉅故作史之難莫難於志膺民社之責者豈可任其殘缺而弗爲之釐定歟余於乾隆四十一年重修池陽郡志旁搜博訪期於考實而徵信因三載始藏其事蓋以郡志爲六邑之倡故詳慎之心備至也青陽縣志修於順治十四年距今百有二十餘載其間物產之阜生齒之繁以及人物選舉彬彬日盛使弗增而輯之幾何不慨其散軼耶 溯伊段大尹中州名宿出宰於青自蒞任以來舉凡修泮池建文場興教化課農桑次第施行不憚勞動其實心已無愧於卓魯矣而尤念舊志六原於條例未能盡備爰禮邑中博雅設局編纂易六原爲十志考釋詳明亦余之志也夫壬寅仲冬余恭膺

青陽縣志

卷一

序

九

簡命觀察是邦由池蒞蕪道經青邑紳士耆民睠焉有懷舊之思余

低回留之不能遽去蓋淳厚之風於斯乎益見矣適 溯伊大尹以縣志告成屬序於余余爰而閱之燦然一新夫九華之秀甲於江左李青蓮劉夢得之題詠其餘韻至今存也官斯地者若韋權輿林少穎其愷悌猶可溯也寓斯地者若范文正王文成其勲業猶可稽也生斯地者若費徵君之孝友陳處士之高潔均足令後之人聞風而興起也余往還慨慕輒形諸詩歌因念此日人文彪炳俗尙醅茂固泯然於

聖化者深而又得 溯伊蒐羅參訂綜核無遺以補百有二十載之

缺典此不特副余重修郡志之意而以實心著之於實政所以
勸戒乎青之士庶者其裨益更何如也余承乏池陽最久其曷
敢以不文辭遂撮其要而爲之序

重修青陽縣志序

邑令 段中律

春秋爲史之宗職方實志之始青志昉於前明洪武初邑佐丁
公創修越萬厯初邑博曹綸重修後邑長蘇公萬民蔡公立身
傳公賓相繼踵訂因事加詳迨

我

朝順治十四年楊公夢鯉仍前志作六原分門逐類詳而有體洵

稱巨製迄今百有二十二年矣治績教化文章風俗倍蓰于前

青陽縣志

卷一

序

十

會郡伯張憲檄修郡志纂入青邑志張次成帙邑紳士王伸丙
何溥謙孫桂諸公謀修於余自愧譎陋竊虞蛟負旣恐失略猶
懼失誣故不敢以一人之聞見約略十七都之事蹟必彙集十
七都之耳目考據確實蓋各紳士於各都事蹟孰見習聞庶無
遺漏彼此糾葺亦免阿徇至若作志體裁因時制宜不敢勦襲
雷同稍疎採擇易六原爲十志猶易八書爲十志從班史例也
提綱分目從通鑑體也別仙釋爲外志分理學儒林爲二門從
通考體也善善從長芟削不貸雖褒寓貶也斷自唐始緣邑定
名也凡在志局各有採輯之責倘有遺濫咎無可諉至於斟酌
取舍於公論之中細加鑑衡余亦維時兢兢焉始輯於辛丑十

聖天子

鄧隆之化而爲吏治民風之一助也是爲序

闔邑重修青陽縣志序

邑之有志猶國之有史史兼三長作志亦然所謂待其人而後行也吾

侯段公豫州名士出宰青陽甫下車見其風紀凝峻意度安閑已知抱負閎深併幪有託數載以來修理學宮泮池重建察院新建文場補建蜡廟移建陽明祠與夫修治衙署接補來龍及農官望華諸亭均經修建白廢具興勤勞備至其治行循良敦

青陽縣志

卷一

序

十一

教化勸農桑民無繁訟囹圄草滿者業有二年雍雍化洽咸歌頌之政至此洵稱上理矣而猶以修志爲兢兢者臥理之餘可以從容而奏大成也考舊志六原條例雖分未能畫一 侯則易以十志如提立學校爲一綱區別仙釋爲外志裁斷謹嚴諸無率混非其識乎凡例考釋小序諸篇積古證今研鎔經史詞歸雅馴非其學乎提挈細瑣類註詳明各紳士雖分任之而一百二十餘年之事蹟紛雜殷繁 侯則累牘手披刪存各當勞瘁不形而條緒立就非其才乎一乘成而三長并 侯實其人矣而又終始退然不敢自居侯之功愈高侯之心愈下也 某等親沐德政休風用敘數言以識吾 侯之治民若彼其修邑志

有如此者

重修青陽縣志序

邑人王懿修

自京師至通省自省至府州縣莫不皆有志以昭王制以肅民風以覘經濟以培文行而要本當事者習誦之志見諸治績傳之志乘則是志者所以爲識亦所以言志也豈徒摘藻揚芳畢修輯能事哉方今

皇上重熙累洽仁漸義摩薄海內外一道同風歲戊戌

郡伯蒞亭張公纂修府志庚子秋余典試西江

恩蒙

假權受而讀之竊喜爲縣志張本議者謂府志告成縣志可少緩不知規矩誠陳而大匠良冶各有繩墨律呂並設而金鐘罇

青陽縣志

卷一

序

十一

磬各有調和况府志統載六邑我青幅幘七十里戶不下數十萬志修於順治十四年距今百二十餘載顧可使風霜剝蝕凋殘散佚乎偃師 段侯以中州雄才來蒞斯邑興廢舉墜百度具張志欲譁昇平而揚

聖教

爰集紳士有學行者共商修訂書成屬余序余惟志之體裁與作志原委詳於舊叙不復贅獨羨 邑侯與我邑人士志之所至氣必至焉如井里都圖之必辨則志在遵王制災祥奢儉之必登則志在驗民風秩官選舉與夫人物貞節誥記詩賦之必載則志在覘經濟而培文行昔程子以一物不澤爲已病文正公以天下爲已任其所志者大故其所就者亦大茲志言以旌

心卓卓乎信史哉抑又念言之無文行之不遠設抱有爲之志而無如椽之筆奚以簡而該詳而盡訂訛正謬採翠拾珠成斯大觀耶茲得是編秀分九子清挹五溪一本志之誠然者作之鑑而樹之鵠行見人各治其身一縣之化俗成人材出矣異日由縣志登之省志由省志登之一統志則是志豈僅一邑光哉

乾隆四十七年重修青陽縣志職名

鑒定

特授池州府知府蒲城張士範

纂修

特授青陽縣知縣偃師段中律

同修

青陽縣儒學教諭鳳臺謝均育

青陽縣儒學訓導歙縣洪近聖

青陽縣儒學訓導黟縣胡時誥

參訂

青陽縣志卷一

壬辰科進士懷甯徐世錦

分校

庚午科舉人候選知縣何溥謙

誥封奉政大夫翰林院編修拔貢生王伸丙

署化州知州原任陸豐縣知縣孫桂

署廬州府訓導庚寅恩科舉人羅揚休

戊子科舉人陳其名

甲午科舉人章道鴻

甲午科武舉何敬存

拔貢生吳名舉

歲

貢

生

吳績丙

歲

貢

生

曹甘霖

附

貢

生

姜球

廩

生

何繩南

廩

生

吳世淑

廩

生

鮑震

廩

生

王思修

廩

生

施惠

廩

生

王化文

廩

生

徐士瀄

廩

生

何德基

廩

生

甘有悃

廩

生

章化鵬

廩

生

甘起蛟

廩

生

袁世盛

廩

生

孫擎

增

廣

生

何若石

生

員

甯蛟舞

生

員

賀遇春

生

員

徐梁

生

員

王家樹

生

員

章聯珠

生

員

曹惟馨

生

員

錢希孔

生

員

方育清

生

員

劉炳南

生

員

劉煥

生

員

柯庭賜

生

員

李金英

生

員

程宗濂

生

員

孫雄飛

生

員

汪其雲

生

員

俞觀成

生

員

徐文彪

生

員

陳翔雲

生

員

曹先舉

生

員

陳鳴岡

生

員

徐步月

生

員

何慎行

同治九年續修青陽縣志稿名目

恩貢生孝廉方正霍邱縣教諭 陳攀桂

甲子科舉人國子監學正 蘇江濤

恩貢生候選教諭 吳崇琳

歲貢生候選訓導 施龍章

總目

第一卷

序 目錄 凡例 考釋 圖 封域志 營建志

第二卷

賦役志 學校志 風土志 職官志

第三卷

選舉志

第四卷

人物志

第五卷

青陽縣志

卷一

總目

人物志

第六卷

人物志

第七卷

列女志

第八卷

列女志

第九卷

列女志

第十卷

藝文志

第十一

藝文志

第十二

藝文志

附

外志

青陽縣志

卷一

總目

二

目錄

封域志 卷一

星野 沿革 疆界 都圖 山川 形勝 鄉鎮

舖程 古蹟 陵墓

營建志

城池 公署 廟祠 壇壝 橋梁 坊市

亭榭

賦役志 卷二

土田 戶口 官產 倉儲 稅糧 商稅 徭役 屯軍

學校志

青陽縣志

卷一

目錄

三

文廟 書院 載籍 學規 鄉飲 生徒 學田 社學

風土志

風俗 氣候 時序 物產 祥異

職官志

官制 文職 武職

選舉志 卷三

制舉 甲科 鄉舉 五貢 薦辟 仕宦

人物志 卷四

賢達 儒林 懿行 隱逸 流寓

人物志 卷五

封贈 恩廕 宦績 武勲 文苑 孝友 義行
人物志 卷六

忠義 忠節

列女志 卷七

節孝

列女志 卷八

節孝

列女志 卷九

節孝

藝文志 卷十

青陽縣志

卷一

目錄

四

詩 賦

藝文志 卷十一

記

藝文志 卷十二


序 銘 贊 議 文 引 跋

外志


寺觀 仙釋

青陽縣志圖

青陽縣志圖




青陽縣志圖




青陽縣志圖

三



青陽縣志圖

四




青陽縣志圖

北至銅邑界





五



青陽縣志圖

西至貴池




青陽縣志圖




七

南



北

右圖照府志補入



凡例

一楊志仍蔡志之舊爲原六爲卷六爲類五十有七今更六原爲志十曰封域曰營建曰賦役曰學校曰風土曰秩官曰選舉曰人物曰貞節曰藝文外志附其末爲類六十有九逐類分綴各志庶綱舉目張無過繁過簡之失

一志必有圖義取互証楊邑志無圖今繪總圖分圖共六幅詳註山川疆域城池都圖廟宇名蹟於上俾界畫分明朗如指掌

一分野躔度古厯與今厯積算有差今遵

本朝

青陽縣志

卷一

凡例

欽定分度又按通方協紀書繪圖定箕斗中星所在閱者得按圖以

攷焉

一戶口日增楊志僅及順治十四年時限之也今據乾隆四十二年戶口定數載志已十倍於前知百餘年積仁累德之功後必有擴而增之者

一山川舊志掛漏頗多九華名勝未能詳紀今悉按次分列諸山分支各紀於後凡名賢歌詠摘句其下觀者雖未身歷其地可目遇神遊矣

一稅糧雜項依舊志刊元明以來條欵俾考古者知所因革洎本朝實額若干註定總數凡遇

慶典普免正供間值災傷特發帑金敬謹登載庶知
朝廷惠養蒸黎之至意

一學校爲興賢育才之地我

皇上右文稽古屢頒

聖諭以訓多士文廟載籍下及書院義學悉宜列志楊志概未之及今

特補之

一宦績及本邑人物駿績舊者照前新增者據本邑紳士彙報
核實以免濫入有載於前者後不復贅旁註詳見某某類

一理學儒林以邑人爲定如姚江守仁理學不入秋浦張喬儒
林不載非生長於青邑者也他若孟遲籍係昌平不列甲科

青陽縣志

卷一

凡例

二

施人臣隱居不仕不入宦族悉更舊志之訛庶免於誣

一烈女節婦旌揚未及而年例相符據局紳士彙報查實印冊
概爲登載至淑媛壽母足垂閭範者亦因附末以勵風化云
一方產不同九華尤多佳種禽魚卉竹等類不經見者註其下
庶爲博覽之一助爾

一青踞大江之南九華推名山第一碑記歌咏不勝採載謹收
其精覈雅馴者載之

考釋

疆域分隸昔無定名自唐改臨城爲青陽始屬池州旋屬昇州無可誌也至明而屬無更易邑博曹綸創修縣志於正德年間萬厯初邑令蘇公萬民病曹志之略也首輿地次星野次官制次祀典次惠政次建置次登庸次藝文次雜誌共九卷蔡公立身又病蘇志之繁也更修於萬厯壬辰作原邑原宇原財原材原治原藝六卷因燼於火傅公賓修之越二十年僊都李公又修之迨我

朝順治十四年楊公夢鯉仍蔡志六原加意踵修然類次錯雜不及學校載籍且所志多明制至我

青陽縣志

卷一

考釋

朝邳治之隆略而弗詳迄今百有二十餘年矣纘葺增補訂正訛舛必不可緩

青自唐以前名臨城天寶元年從洪州都督徐輝請以涇縣南陵秋浦地置青陽治故臨城文獻通考亦載天寶中置青陽有九華山五溪水以地在青山之陽故名按臨城故縣距城南五里孫吳析石城陵陽地置臨城縣卽此吳書徐盛以校尉蕪湖令討臨城南阿山賊有功後賜臨城爲俸邑至隋省入南陵唐人青陽今隸青陽天寶鄉

九華在漢爲陵陽山道經註漢陵陽子明今陵陽鎮卽其地也九子名不知起於何代按漢輿地志九子山千仞壁立週圍二

百餘里疑九子亦自漢始李白九華歌序明言削其舊號加以九華之目則九華名斷自李白始唐書類苑張喬送龐百篇之任青陽尉腹聯云鄉連三楚樹縣對九華雲九華之名至今傳矣九華雜記云杯渡尊者建九華寺則九華名始于晉似不自李白始按般若經南海北有寶華山亦名九華古地藏居焉一名兩地以彼誤此不可不辨舊志星野泛論斗宿不辨昏中按南箕北斗斗實在北不在南朱子云夏秋間見於南方從天左旋也

欽定

協紀辨方書大暑後亥時處暑白露戌時中星皆斗今照夏秋昏中作圖因斗見于南方垂圖斗旁諸宿俾識方定度不致差訛

青陽縣志

卷一

考釋

一一

若當南至後則斗又轉向北矣

戶丁楊志載順治十四年止距今已遠康熙五十二年有滋生人丁永不加賦之例雍正六年有丁隨田辦之例人丁遂有定額今照乾隆四十二年報部實數載志丁銀永有定科

民壯之設亦武備也明初制簽於里甲挑選武勇嘉靖中按畝分正戶貼戶出銀僱習武藝者充之後海中丞瑞編入均徭徵銀於民官給工食變爲役供差遣矣成化三年國子監生請明義上曰宋時多剛縣民作亂用白芳子兵破之白芳子兵者卽今之民壯是民壯亦嘗收效倉猝也故今上臺行部有點考技藝之例焉楊志遺之

洪範八政一曰食二曰貨生民之本也宋太平興國中置茶官立茶場熙甯後又權及酒稅而民疲于輸納明初官民田地山塘夏賦麥秋賦米然麥亦折色而稅絲絹供牧芻皆名耳洪治間雖豆亦折色矣則折色之例自明始我

朝仍之

人倫莫大於君親百行之原也故懿行以忠孝爲先睦嫻任卹皆由忠孝而推廣焉故義行附之

馬郡志論青陽縣令載竇伯玉按陵陽改青陽故青陽之外別無所謂陵陽者伯玉首爲陵陽令非借也今青陽石埭兩邑志各載伯玉青陽因立縣在先承漢陵陽之舊爰以冠諸令較確

青陽縣志

卷一

考釋

三

舊志唐進士以孟遲入青陽實無憑考按唐書遲籍昌平人濫入青陽則不能無牽借之誚也

舊志載秋浦人張喬咸通中鄉貢值黃巢亂罷舉歸九華未嘗中第以謝能有唁喬不第之詩斷其非進士也按唐書詩集稱唐進士九華張喬撰丁志樸志俱載大順年進士咸通去大順閱有年所甯必其終不第乎甚矣其拘也

宋史列傳蔣之奇以劾歐陽修帷簿事審錄不實謫監宣州酒稅未嘗記其令青陽也今青陽龜山崇壽寺有其題名及詩句亦未著令銜前志載蔣之奇爲青陽令不知所攷姑仍之馬郡志循吏傳載費冠卿楊志較異按冠卿登唐元和進士母

疾馳歸而母卒遂以祿不逮養却聘不出隱居九華李仁修薦爲右拾遺奉詔不出其詩曰三千里外一微臣二十年來任運身其不出而仕也明甚卽令子軍詔迫而出拾遺亦非縣令也杜荀鶴輓詩云當時若詔起未必得生還其殆以隱逸終歟道學儒林分自宋史漢儒若劉向匡衡馬融鄭康成輩註疏經傳皆不過博聞強記之學未能窺探聖賢奧唯董仲舒爲漢醕儒宋則周程張朱相繼踵起紹孔孟之微旨教人以主靜立誠篤行實踐之功與漢儒紀異象山陸子靜始與朱子牴牾晚年定論宰相孚合明姚江王文成公淵源象山體用兼備倡良知於化城寺書院一時從學者若施達王卅祿柯喬諸公皆能

闡明良知究濂洛關閩之傳與顧涇陽蕭維斗後先頡頏豈徒尋章摘句挾藻摛華已哉此不得概以儒林目之也

神仙道家各分一類而仙尤恠誕不經混神仙於道家通攷已駁前史之誤矣竇子明釣於涇溪得魚似龍剖腹得方書錯見於劉向列仙傳鄭薰贈九華處士鞏疇詩序載及雪夜叩扉明日講肇論階前多偃松高桂冰凍墜落有金石琴瑟聲皆彷彿燃藜說經之事也昔范史載王喬飛舄左慈化羊温公通鑑採及搜神記幽明錄今固不必以其妄而削之

周公曰詔觀事則有志詔地事則有圖尙書禹貢有九州指掌圖漢書有輿地圖所以別疆域辨形勝也況在一邑可無圖哉

古傳宋滕宗諒始作九華圖今已失之曹機有石刻九華六圖程鵬飛改六圖爲東西二圖元吳天錫復總東西二圖爲四圖明洪武初縣丞丁公好禮首修縣志圖不傳

本朝前憲喻公撰九華志總圖分圖共一十有九未及一邑之全也邑圖所關甚鉅城郭溝洫田舍廟祠及一切古蹟形勝必得按圖而知因爲繪圖凡幾旁加註名列之志首志貴詳不貴略尙實不尙浮考核必期當也我

朝典物大備化洽羣黎已百四十餘年青雖偏邑紀載必悉體裁上遵史法別類分門繁者揭其綱目簡者務極精詳匪持臆斷匪徇勦襲是則余作志之心也夫

封域志

陵陽雄峙上游南躔斗次北應箕垣司牧者既膺百里之封應倣三善之績爲國恤民原無此疆彼界繭絲保障要期內輯外甯版圖犁然當思因地制宜也因作封域志

星野

青陽爲揚州域吳越地也帝王世紀云自斗十一度至婺七度爲星紀屬吳越前漢地理志云吳地斗分野後漢天文志玉衡第六星主揚州蔡邕云斗六度至須女二度星紀爲吳楚分野晉天文志云九江入斗一度丹陽入斗十六度故唐地理志以池州在吳地九江丹陽之間青陽隸池分野正當南斗

青陽縣志

卷一

封域志

按馬志丹陽入斗十六度貴池青陽銅陵石埭屬焉青陽楊志訂自順治十四年猶襲前明推算之度今遵

本朝頒訂時憲書星紀之次起箕三度半至牛初度八分以是占候布令必無差忒而前史積算之左俱不足以爲準矣

沿革

夏商周俱屬揚州之域

春秋屬吳吳滅屬越

戰國楚敗越屬楚

秦屬鄣郡

漢武帝元封二年始析涇縣西境地置縣於陵陽山麓曰陵陽

縣屬丹陽郡

後漢丹陽郡陵陽縣吳赤烏中析陵陽西北境地置縣於城子山之東曰臨城縣屬丹陽郡

晉太康二年析丹陽郡以南為宣城郡臨城屬焉成帝咸康四

年陵陽避杜后諱改為廣陽縣屬宣城郡寰宇記晉南渡初於古丹陽城置定

陵縣屬淮南郡宋齊因之

宋淮南郡定陵縣宣城郡臨城縣

齊淮南郡定陵縣宣城郡臨城縣

梁屬南豫州又屬南陵郡

陳屬北江州

青陽縣志

卷一

封域志

隋省廣陽人涇縣臨城定陵入南陵縣

唐天寶元年洪州都督徐輝請析涇縣南陵秋浦地置今縣以

其在青山之陽故名屬宣州至永泰元年又析縣南地置石

埭縣並屬池州

五代初屬吳改為勝遠軍石晉後屬南唐復為青陽縣隸江甯

宋屬池州隸江南東路

元屬池州路隸江南道

明屬池州府直隸南京

國朝仍屬池州府隸江南安徽省

疆界

縣治在府城之東八十里

四抵治

東一百四十里為甯國府南陵縣治

西八十里為本府城貴池縣治

南八十里為本府石埭縣治

北九十里為本府銅陵縣治

八抵界

東六十五里至金山舖社橋為南陵界

西二十五里過五溪至四峰山界牌為貴池界

南六十九里至博山琉璃嶺過大河為石埭界

青陽縣志

卷一

封域志

北四十五里至界山舖為銅陵界

東南六十里至黃蘗嶺脊為涇縣界

東北五十里至華家壠為南陵界

西南四十里過際頭山為貴池界

西北一十五里至梅家嶺為貴池界

廣八十里 袤九十里 由陸路達

江甯四百五十里水路五百里 由陸路達

京師二千九百五十里水路四千二十五里 由陸路達

安慶二百里水路二百十里

都圖

舊凡十鄉二十七里永樂十三年始歸併編戶一十六里正德末增一里共一十七里今仍舊

一都 程村 高坦社 朱村社 湟塘村

許村 漪港社 城子社 南庄社

駱村 但村 仙隱社 海沖何村

江村 丁坡社 上千社 蒼麓社

在縣南隸天寶鄉昌儒鄉舊為一四兩都明崇正十五年知縣王化澄均里因兩都田少併為一都

七都 西館 宗文 范村 傑三

趙村 錦村 西山 橫排

青陽縣志

卷一

封域志

八都 戴村 東館 西館 蜚蟠社 西明社

姜村 南頭 陽田 際村社

楊桃嶺 陳子坦 田坂 中平河

長 瓏

九都 童村 老田 圖里 石龍口

高源 鮑村 熊村 柯村

查坑 北沖

以上三都在縣西隸慕善鄉舊七都并入八九兩都知縣王化澄崇正十五年均里因八九兩都田多添設七都今仍為三都

十一都 謝村 上村 甯村 曹村
革村 上章李村

十三都 一甲壠上陳 二甲南陽灣陳 三甲南陽灣陳
四甲所村陳 五甲林 六甲河東鮑 七甲山南章
八甲河西鮑 九甲張 十甲所村陳

以上兩都在縣東南隸陵陽鄉續十都十二都并入

十四都 碩村 中平社 楊沖社 東保村徐
祿頭社 甘村

十五都 高黃社 永興社 王村 上黨社 倪東社

十六都 梅塘社 澗上上村 徐村社 梅塘陳村

青陽縣志

卷一

封域志

五

廣德社 施村

以上三都在縣東隸延和鄉

十七都 上下沈村 馬安社 金城社 沈村 烏石社

曹村社 章村 衣冠社 盛村社 甘村社

江村 程村 孫村 汪洋村

十八都 中村 倪村 田裏村 蒲沖 舒沖

鄧沖西社 長山徐村 王村 楓林社

孫村 黃檀村 橫橋徐村

以上兩都在縣東北隸靈巖鄉

十九都 江村 澆湖羅村 邵村 汪沖 甘村

董村 茗山孫村 阮村

以上在縣東北隸永平鄉續二十都併入

二十一都 章村 汪村社 板溪社 王村 方村

康村社 舒村社 洪村社

二十三都 李沖村 李沖社 柯沖社 蘆村社 楊村

徐村 石壁村 石壁社 永豐村 永豐社

石橋社 白鶴社 柯沖村

以上兩都在縣東北隸定陵鄉續二十二都併入

二十四都 陳村 葛溝社 曹店社 章村 王村社

泉村社 董村 王村 平田周村

青陽縣志

卷一

封域志

六

在縣東北隸金山太平二鄉續二十五二十六二十七

都併入

上圖 泉水社 冷水村 慕闕徐村 崇義社 新興社

大興社

下圖 扎湖社 徐村 沙坦村 新興社 復興社

大山何村 海沖張村 蓮玉柯村 柏村

以上兩都在縣西南隸昌儒鄉

山川

九華山

康熙四十四年

聖祖仁皇帝南巡遣使至山齋

御書九華聖境匾額恭懸山之化城寺乾隆三十一年

高宗純皇帝復

賜芬陀普教匾額恭懸山之化城寺

劉廷鑾曰山之名昉於李白在漢稱陵陽梁稱幘峰則顧野王所為品目止據一峰以似之其號九子不知起於何代然亦止據一峰云若太白改九華當以全體立名

青陽縣志

卷一

山川

一

九子峰

在碧雲峰側列峙者九尤多小峰林滋詩云大者嶙峋若虎兕小者崑崙如嬰兒初山名九子以此太白因更名九華云

天柱峰

在淨居翠峰西南聳拔千仞如柱倚天此華東第一峰也邑人施達書堂在焉其下有天柱菴今為翠峰寺

列仙峰

在香林峰北與天柱峰相屬峰頂石有人形行者顧者舞者拜者接踵而從儼然仙侶之列也明王守仁詩靈峭九萬丈參差生曉寒仙人招我去揮手青雲端

展旗峰

在天柱峰側古詩云山形南去痕如馳高處展開三丈旗

梅花峰

在展旗峰西五石挺峙削入雲端有枯株含萼之象

玉甌峰

在列仙峰北碧雲峰南色類瑱瑊形如盃脫下有懸岩竈釜故名玉甌

五老峰

在獅子峰側

碧雲峰

在廣化院東南其峰巉峿上連空碧

覆峰 在廣福院西

小天柱峰 在蓮花峰南正直如柱高僅天柱之半

插霄峰 在摩空嶺左

雲峰 在羅漢峰下晴雨皆有雲出入明王守仁歌九華之峰九十九此語相傳俗人口俗人眼淺見皮膚焉測其中

之所有我登華頂掃雲霧極目峯那有數巨餐中盤萬玉林大劍長鎗攢武庫有如智者深韜藏復如淑女避讒妬閤然避世不求知卑已尊人羞呈露何人不知道九華奇奇中之奇人不知我欲窮搜盡拈出秘藏恐是天所私旋解詩囊漸收拾脫穎露出雖參差從來題詩李白好卻於此山亦潦草曾見王維畫輞川安得渠來
拂纖 縞

聚猿峰 在石佛巖之上

文殊峰 在九子峰北形如人乘獅子前即獅子行道峰也元末江華甫以元帥保障立砦於此

青陽縣志 卷一 山川

獅子峰 在五老峰傍

稻積峰 在山西亦曰蓮花蓋一峰二名

滴翠峰 在天柱菴後有三襲上大下小鎮潤削成煙嵐不絕空翠長滴極其幽深高舍之絕頂也刪正舊志

石碑峰 在滴翠峰西舊志石碑誤今據陽明賦臨爛石碑之文改正

老人峰 在雙石南峰頭狀如老人宋九華僧希坦詩二氣分時有此翁壽年直與太虛同想應偃偻千峰上默笑人間

說錢公

聚玉峰 在滴翠峰南眾峰叢列爭奇總名曰聚玉

羅漢行道峰 在文殊峰前峰之狀長條廣袖圓頂肥腰蒲伏若羅漢之行道

獅子行道峰 東連文殊北倚螺髻巨腦虬尾形若狻猊望之如行道然以五老峰側亦有獅子峰故別以行道也

拱辰峰 在文殊峰後諸峰羅列若眾星拱北然

羅漢峰

在五老峰西狀若跌僧陰冥則法雲慈雨若人鬼鳥

螺髻峰

在碧雲菴西如黛鬟高綰

齊雲嶺

在雙石岩南或曰列仙峰側

斗嶺

在石缸澗舊有止菴山房

雙石巖

舊為淨居院址雙石峭聳一瀑懸流相傳巖有異物狀如蛇蜃有角無足異質白章二十年一見出不畏人久

乃復入

觀音巖

在幘峰西裂磔雄闢仄倚合成深如石室上透天光唐末有高僧卓菴感觀音出現名之

透碧巖

一名透壁在滴翠峰側高約二丈廣如之深倍其數與五老雙峰映帶相屬

三斧巖

在九子山東北有大斧劈痕者三見福海寺十景詩碑亦稱三斧石

無極洞

在螺髻峰下即空谷傳聲處也俗呼聞聲洞

青陽縣志

卷一

山川

三

靈龜石

在碧雲菴上以形似名

花窗石

在福海寺東縱橫玲瓏透若綺疏

加冠石

在雲峰堂側狀類人加冠于首

鬪雞石

在九子山前二石相對狀如鬪雞

鞋石

在琉璃灘側

石照

在九子峰則峰頂積石中有方竅如風櫺月牖東西洞穿日升沉則相透照傍一竅微小

繡石壁

在淨信院南石髮垣衣剝蝕紫綠宛如古錦

赤石壁

在繡石壁側赭石峭立一落千丈與繡石壁皆宋建炎時居民避亂之所

普賢臺

在淨居院北峰頂大石方正可望而不可登

祈雨壇

嘉魚池石臺是也

天泉

在淨信寺西泉瀦峰頂相傳杜康造酒處施達詩九華山巔石鑿鑿誰挽銀河上天落石上每穿渚水池涵空瑩鑑雙星躍我來炤景身如浮便欲乘槎犯斗牛那應盡是支機石誰還歛爾昇天游聞說仙翁此釀酒仙醞熏人知眩否假饒仙釀能熏人徑須爛醉華峰九十九

巴字泉

在淨居院東瀑水潑洄三折而下仁和王一槐與縣尹祝增學論李山同遊命曰巴字泉蓋取巴江學字流之意也

龍溪

出碧雲菴黃匏城東北

琉璃灘

在青峭灣東水流澄徹光若凝冰

漱玉灘

在雙石巖東漱石琮琤有戛玉聲

嘉魚池

在龍遊澗下中有石臺竇子明李化文垂釣處也其水多出異魚或歲早軟以雞狗之血雲雨即至故池又呼為仙人塘臺為祈雨壇池深數尺周可三四丈峻壁四合上有二水湊為重瀑乃山之奇勝也

青陽縣志

卷一

山川

四

翠羽池

在碧雲峰百丈潭上雪竇雲泉極其幽窈文禽狎鳥或巢或巢又名鴨子湖

流觴瀨

在百丈潭上有石渠天井唐李昭象避亂入山隱處與客就水泛觴之所

龍遊澗

在資聖菴南懸流而下入嘉魚池說者謂嘗有神龍遊戲其中

東陽澗

在雙石之朝陽

垂雲澗

在九子峰頂有瀑布白如雲垂澗生小鮮曰醫魚久旱出則得雨

菖蒲澗

在淨居院前溪石上多菖蒲有一寸九節十二節二十四節者香氣不類他處所生真靈藥也澗有霧則雨

百丈潭

在資聖菴前水自雲峰而下高數百丈潭面南北廣六丈東西三丈黝然如墨有龍居焉後雲峰有居人而潭在下龍遂徙或曰在嘉魚池

七布泉

在福海寺西夏秋瀑注分而為七散落崖谷所謂雲邊野鶴窮來處石上寒猿見落時雲端僧守義詩一泉分七布勝在夏秋時猿鶴常窺影塵緣那許知

百丈箭

在百丈潭上有瀑懸崖而下迸激甚駛注若僕姑

仙人塘

在碧雲菴上有靈龜石石之上有石屋屋之上有仙人塘塘之上則螺髻峰也或云在幘峰巖內上有石床丹灶又云葛稚川居於下其上為寶陀崖

天井

在石照側深如井

黃瓠城

在碧雲菴上遠望長江又名望江洲

山之南

天臺峰

在東岩東天台寺頂為九華最高處橫岡疊巘星羅碁置難以細名統曰天臺峰其勝俱在嶺巔雲峽間及嶺東西與三常住諸小菴巨石清泉虬松怪柏亦登眺之逸境云崇觀詩絕境天臺最山盤路寂寥足危綠竹石眼放即雲霄隔水鍾聲近深林樵響遙料應王子晉縹緲坐吹簫

七賢峰

在金剛尖分水嶺西七峰端立如人故名之

青陽縣志

卷一

山之南

五

仙人峰

在南陽之西一名仙姑尖舊傳竇子明劉光世楊元秉陳昇卿所經游處頂昂石壇夜吐金碧光樵夫入萬壑煙霞中見若仙者焉若將軍者焉若相國儒者焉隱現不常歲旱曳柴燔其壇輒雨

翠屏峰

在雲外峰西

香林峰

在雲外峰南西則平田岡傍則金光洞此峰多藥草

古仙峰

在五臺院南昔傳有仙人居之

真武按劍峰

在天臺南其麓有巨石狀類龜蛇

牛軌峰

在臥龍菴北

邃谷巖

在東藏源南林谷深窈人跡罕到巖戶高迥炎歊不生夏秋樵豎往往於中持冰雪而出

金光洞

在香林峰下洞有穴可望而不可入入則神光金色充塞洞口有致敬者則髣髴見金人像或謂金地藏嘗居中洞

赤壁洞 在南陽里牛欄坑之東

金剛石 在平田岡南五石疊成高約五七丈如人所疊俗呼金剛尖

石墩 在遂谷岩溪傍有積石高涌故名

天臺 在龍女泉南一在天臺寺之頂東峰之東橫岡平亘金地藏禪息之所非峰也

五臺 曰般若曰白雲曰集寶曰離垢曰華嚴共五臺俱在古仙峰曹山之西接貴池界故有僧舍曰五臺明智院今

改爲白雲菴

三角泉 在曹山延壽寺山東淨信寺亦有之佳甚

黃石溪 在華山之南嚴思嶺下水脈高低灌田甚廣

瀾溪 出蓮花峰下經西洪嶺流而爲溪

縞溪 由聖泉院水如縞帶出入十里爲清溪

青陽縣志 卷一 山之南 六

南陽澗 在臥龍菴前流入南陽爲古猷州之地

龍湫 在黃石溪之深邃處其水自石壁空竇中噴出高數百尺望之若瀑布懸厓瀉下琮然有聲前橫石檻內有龍

窟於井狀深黑不可測地甚幽僻雖甚暑必重裘而入故人鮮有至者

龍門一躍 在南陽里北門二三里有雪灘三級上有橫池淵深莫測石壁峭立約五六丈飛流直下上有二石對峙

如龍門聞人詛過而奇之以名

山之西

中峰 在東藏源東眾峰環峙而此獨中踞睇日月颯雲雨清泉迸石翠霧凝空昔有羅漢居之宋陳巖詩峩鬱盤紆

直拄空眾峰環繞獨居中山頭要看僧禪定南北東西路各通

會仙峰 在中峰之側趙知微嘗中秋遇雨率其徒登峰上月出雲淨諸峰呈露及歸復雨因名之

桐嶺 在化城西望江尖側下有九華山房

鳳凰嶺

在東藏源西北又名鳳棲峰望之若鳳尾然

大還嶺

在中峰下趙知微煉丹處

神光嶺

在地藏菴塔前平田岡下相傳金地藏現光於此

斧柯嶺

在中峰下世傳有仙客圍棋於此

南臺

在平田岡下有菴名南臺後有石浮圖

甘露泉

在中峰上泉味甘美如飲沆瀣舊有禪師取以療人之病

東藏源

化城寺東平原沃壤兩山之間五釵松檉柏雜藥香茗之屬皆有之

平田

即塔南平田岡沈端詩洞口奇峰吐玉蓮寺門迴瀑湧珠泉仙人春到閒無事犁月畔雲學種田張簡詩插笏盤螺碧刺天亂山高頂露平田遊人忘卻經行險野寺村莊換目前

大芙蓉峰

在三游洞上怪石層嵌如花瓣朝舒最為奇秀

青陽縣志

卷一

山之西

說法臺

在摩空嶺側石刻三大字

朱湖石

在小石橋左明邑侯張燭題鳴湍二字吳大藩書石

芙蓉峰

在化城寺西南九華南自七井山發脈連亘石門嶺而來至芙蓉峰結為珠墩成地藏塔院峰不甚高上起五巒宛如青蓮花王守仁題云九華之山何崔巍芙蓉直傍青天開此峰在芙蓉閣之西南遙與閣對者是

雙峰

在臥雲菴東北九華之極高者嶄巖雙頂其泉流為雙溪由甲子嶺廣勝寺橫睇則二峰並峙尤為競秀

獨秀峰

在華池上東西俱見孤嶠絕巘壁立萬仞岌岌空卓然無倚特出煙嵐之表左右數十里外望之始真迴絕不羣

蓮花峰

在廣福寺翠蓋峰東亂峰層巒如蓮花上中下三處皆有菴惟上蓮花尤勝石瓣嵌空如茵苔初舒色青紫欲浮明王守仁詩靈峭九十九此峰應最高巖凍半夜日地隱九江濤天礙烏紗帽霞生紫綺袍翩翩雲外侶吾亦爾

同曹

枕月峰

在雙峰野螺之間其峰中曲狀如石枕月初上皎皎從峰而出以孟夏望夕候之為準

鉢盂峰

在茗地源南形如覆鉢南連黃池峰西按平田岡側有石立儼然如僧

綺霞峰

在龍池東傍臨巨壑林木尤美朝暄夕照燦若綺霞

鳧雁峰

在綺霞北上下龍池之間

二神峰

在天池鳳栖之間

鳳棲峰

在二神峰側

東峰

在化城寺東古稱東峰登巔則羣峰歷歷內向明王守仁更曰東岩虞邦瓊詩東峰高聳碧巘滴翠流霞秀

可餐虎洞生風空谷冷龍池帶雨大江寒高天坐倚三更月積嶺晴烘九轉丹乘興登臨秋正到詩成蓮社競

相看

煎茶峰

峰有二一在香林峰北一在廣福院東以峰形似人傍有石川爐故云舊有題繫石旋分厓上火引瓢還滿湖

青陽縣志

卷一

山之西

八

中泉之句或云金地藏入山時人渴煮泉而飯則當在香林者是

真人峰

在幘峰前端險挺立如真官神人舊傳葛稚川嘗居焉

野螺峰

在雙峰南臥雲菴後煙嵐歷歷落狀類旋螺

翠蓋峰

在雙峰之北一名石蓋其下出泉為雪潭

少微峰

在翠峰南以費拾遺隱居刪正舊志

安禪峰

在蓮花菴東梁杯渡唐道濟棲茅於此

雲門峰

在開元觀南兩阜相向如門雲氣出入冬夏有泉湧沸而下明王守仁詩雲門出孤月秋色坐蒼濤夜久羣籟

絕獨照
宮錦袍

招賢峰

在廣福院西南唐隱者讀書處

天池峰

在雲門峰南峰頂有池蒲芡菱菰不種而生宋陳巖詩雁浴鷗棲水影平菰蒲芡透波生冷風瑟瑟山前起

應有天仙
下濯纓

雲外峰

在雲峰西醮壇側高出雲表滕司諫書堂在山之椒

昇雲峰

在少微峰東山氣觸石而起必先此峰上有淵潭歲曠不竭

翠微峰

在昇雲峰下天香嶺南凝煙積翠朝暮如一

天香嶺

在少微峰北臥雲菴前費拾遺隱居其下 本朝曹繼參詩子軍至性人登第思祿養未拜元和官永虛陟吧

望薦辟與徵書堅臥謝無狀風清蘭芷幽山空猿鶴傍使者去何時天香遺嶺上至今少微星峰頂光芒漾

蜃蟠嶺

在化城寺西縈紆蜿蜒如蜃蟠

羣蛙嶺

在蓮花峰北

呈鳳嶺

在協濟祠南舊傳嶺上有鳳雛為樵人所得羣鳥爭撲乃捨之

頭陀嶺

在無相寺後

青陽縣志

卷一

山之西

九

歸雲嶺

在雙溪上華池下

摩空嶺

在東岩側嶺上望長江千里如帶

西洪嶺

在蓮花峰北縈紆數里有亭遊山自西入必經焉

東崖

在化城寺東俗稱捨身崖崖上有岩深入如屋昔金地藏始卓錫於此後異僧周金棲焉明王守仁示諸生詩

浩氣日凋薄鄒魯亡真承世儒倡臆說 警相因仍晚遂益淪溺手援吾不能乘之入煙霞高坐雲峰層開茅

傍虎穴結屋依巖僧豈日事高尚庶免無子憎好鳥求其侶嚶嚶林間鳴而我在空谷焉得無良朋飄飄二三

子春服來從行咏歌見真性逍遙無俗情各勉希聖志母為塵所縈又東岩雜吟一首瀑流懸絕壁峰月上寒

空鳥鳴深澗底
僧住白雲中

宴坐巖

明正德十四年王陽明先生入九華山宴坐處下有錦衣石乃明武宗遣錦衣使偵陽明先生處

寶陀巖

在蓮花峰北巖戶稜嶒迥若樓閣上垂紗羅花菩薩線內有仙人塘石床丹灶竈如也

思賢岩

在寶真院東自天香嶺沿溪九曲而入滕司諫書堂遺址存焉岩名本此岩壁有泉

清隱巖

在雙峰下劉世疎結菴隱居大書清隱岩三字徑二尺餘嘉祐熙甯中朝士來謁多刻名於石今其地呼劉沖

處士巖

在臥雲菴東北相傳有處士隱居數十年人不知其名今猶有石床及手植松檜存焉

碧桃巖

在鳳棲峰下趙知微種桃千樹花皆碧色每開時率徒飲其下

虎頭巖

在雙峰麓

滴水巖

隨處有之舊志註在保真院東

古仙洞

在古仙峰下深不知幾許內有石床或溪或田入必以火費冠鄉有持燈入洞窮之句

三遊洞

在雙峰下洞有三曲如螺旋

堆雲洞

在東岩上邑令蘇萬民題今置寺在殿內傳為地藏修造所

十丈洞

在雙峰下深十許丈內有石臺溪水橫過南則葛仙洞也高二丈餘洞口如甕入無畔匪矣

青陽縣志

卷一

山之西

十

雲岩洞

在雲門峰北廣邃如堂可容數百人周函石室中有石像若真仙佛侶之貌鍾乳於石如幢蓋餅罌之器洞前

有浮雲徑幽僻人間遇之再詣則失其所

伏虎洞

亦名睡虎洞在摩空亭棋盤石之北

九曲洞

在天泉下東亦有之

栖禪洞

在蓮花峰下

白蟾穴

在晏座巖下相傳金地藏學徒頗眾取穴土為糧食之古滑如麵今此穴猶存費冠卿詩云滌泥時和麵指此

風輪石

在天香嶺側勢圍旋欲轉故名

枕流石

在少微峰下溪中

飛雲石

在晏坐嶺上

飛來石

在摩空嶺上

甘泉石 在甘泉書院側湛若水題石底有泉湧出故名

定心石 在湧泉亭下

拱笏石 在蓮花峰前

老嫗石 在崇聖院側

卧牛石 一在福海院一在金剛石下皆以形名

石室 在碧雲菴山半內有程介翁伯南居晦等同遊題名介翁名大古宋紹定中以僧應物滕子京九華錄附以時

人詩文括爲九華總錄今逸

高僧石 在招賢峰側

伏虎石 在西洪嶺下澗中

沈機石 在西洪嶺澗東廣福寺前有巨石狀如機水瀑發則半沉或云南唐宋超回所憇有機事嘗咨訪焉

青陽縣志 卷一 山之西 十一

釣魚臺 臺有二一在廣福寺前半里許高下一石懸出山麓方平可坐望如釣磯下有石潭一在嘉魚池上相傳爲竇

子明及李昭象垂釣處

逍遙臺 在崇聖院側翠瀑泉上靈鶴山之半坐此則西南諸峰

春陽臺 在沉機石側

醮壇 在碧玉泉上其石方平坎齒如級仙人竇子明嘗醮其石俗呼仙人石

龍女泉 在金地藏塔後地藏初結茅居苦遠汲俄有少女告以泉處伐石果得泉女忽不見邑人何飛鵬有賦

白龜泉 在龜山寺西廡開山初有白龜之瑞故山與泉以是名

瓔珞泉 在釣魚臺傍水遇平石噴激衝瀉如流蘇瓔珞

碧玉泉 在少微峰北石崖上澄碧如玉費拾遺嘗取以烹茶

温泉 在翠峰東崖壁上出石罅中久雨不增亢旱不息凝寒不凍掬而飲之最稱佳酌

雙泉

在龍安院西二泉相距咫尺宣和間曹令機鑿方池辨亭於上今廢

派派泉

在龍安院前泉派雙流而下

金沙泉

在無相寺南泉由石罅中沸出大不滿甌而四時不竭掬飲之則細沙如金

煉丹泉

在臥雲菴北又云葛洪煉丹井

夏玉泉

在翠瀑亭前

巖泉

在保真院北泓渟可愛亦號聖泉

虎跑泉

在西洪嶺側相傳有渴虎跑地而泉出

漂溪

在上下華池之間其源自雙峰來俗號蠶溪石港

五龍灣

在龍池上盤折為五每折為一池貫如連珠內一池方而一

化城池

在化城寺前形如偃月池中嘗開蓮結實初亦無種相傳金地藏居時有之

青陽縣志

卷一

山之西

十一

上下華池

在雲峰之下即合澗也雙溪合而成流上下凡三坎瀉成雪浪上華池有深窟為龍池下華池水激而逆

上長漱頗奇亦產異茗

龍池

在上下華池之間山之絕頂壁立屬天自五龍灣合流為十丈泉注池中噴沫跳珠涌洶數丈龍所宅焉大旱

取水禱輒雨

石船澗

在福海院南十里許其下有石如艦

浮桃澗

在懸水西南昔趙知微種桃千樹於中峰之北鄉人於澗下獲桃以鬻

花塘澗

在龍池西其水自放生池來蓋化城盛時浮屠數百誦偈所散香花隨流而下金地藏嘗置水碓俗呼水碓坑

濯纓潭

在瀾溪上源一名洗心以其潔故云即清水潭

弄珠潭

在龍池下自千尺泉而注水沫拋散故曰弄珠或曰辨夫夜宿山中忽光彩射谷視之則龍於潭內躡首弄珠云

雪潭

在釣魚臺上飛流凡三級故為上中下雪潭

飲猿潭

在漂溪之上澌澌水流遠中峰北直下匯為潭

清綺潭

在雙溪下水波如錦紋日綺

翠瀑

在崇聖院前蔣穎叔有雲竇落來如曳練之句

懸水

在呈鳳嶺北勢如建瓴王季文詩懸水落成千丈玉指此

澌澌水

在中峰北西流或淺而出或深而行亂如絲琴其聲澌澌然

茗地源

在神光嶺之南雲霧滋沃茶味殊佳亦稱閔源溪

青峭彎

在天柱五老之西南

天門

在蓮花菴前傍二石峭立上石突覆其狀如門

仙橋

在望江亭下長五六丈闊三尺許傍臨不測兩崖欲絕一徑通之若畚土而成者故稱仙橋

青陽縣志

卷一

山之西

十一

諫堂山

因有滕子京書堂故名 本朝危映壁詩司諫何年到此鄉山中猶有讀書堂先生豈是煙霞癖留得官名翻不忘沈廷猷詩路入煙霞縹緲間尋幽吊古倍相關滕公諫草應焚卻賸得如虹表此山

山之北

幘峰

在真人峰北有雙髮如巾幘然顧野王江上望而愛之因名焉省記名冠幘山

拾寶巖

在圓寂寺西南

果老石

在伏虎菴前

曹溪

出鳳凰嶺西合瀾溪漂溪雙溪及龍池水匯為五溪

五溪

在華西諸峰之北

白龍池

在圓寂寺上

雲巖澗

無考

伏龍潭 在圓寂寺鷄子峰下王守仁詩飛流三百丈瀕洞祕霧
湫峽圻開雷斧天虛掛月鈞夜深時試鉢吐氣或成樓

吾欲鞭龍起
為霖遍九州

六泉 在五溪內俗云六泉口明錢文賢詩偈仄傍山行流溪
咽不鳴何年留古砦猶記說開平

幘山 在縣西十里與九華山相接六峰崑峩儼如冠幘一名
雲冠山

以上俱九華山

靈巖山 在縣東七里又名妙峰邑人孫敏建烏石白雲軒於其
側進士徐智編修周述有記

龍池山 在縣東十里上有石池泉池瀑石灌溉數村舊傳
有龍居此下有象鼻洞山巔有興教寺石橋二虹

龍安山 在縣東南七里

鸚鵡山 在縣東五十里

高陽山 在縣東四十里

青陽縣志

卷一

山之北

十四

老芳山 在縣東十五里

牛心山 在縣東七里宋齊邱墓在焉

象鼻山 在縣東四十五里

黃蘗山 在縣東南五十里臨涇縣界

崇山 在縣東五十里

梅林山 在縣東六十里臨南陵界

西山 在縣東五十里

西峰山 在縣東六十里

燕山 在縣東四十里

金山 在縣東六十里臨南陵界

天峰山 在縣東四十里

石龍山 在縣東四十五里

北山 在縣東四十里

銅嶺山 在縣東三十五里與天峰並峙西向九華北對長江

讀山 在縣東二十里宋范文正公讀書於此故名

長山 在縣東二十里讀山之北范文正公幼鞠於朱氏卽此有范文正公祠以待制滕宗諒配丁恭愍公黼爲記

石嶺 在縣東十里下爲金龜原有宋滕宗諒墓

馬鞍山 在縣東五十里

洞山 在縣東四十里

吳山 在縣南三里地名臨城

青陽縣志

卷一

山之北

十五

烏狗山 在縣東南五里山有烏石如狗故名下有古塔存焉

仙隱山 在縣南二十里唐永徽間有仙女寓此故名西有隱公崖仙隱洞仙婆井卽今何村之源

太游山 在縣東四十五里臨涇縣界

聖子山 在十六都邑人章棟有賦舊志載

楊嶺山 在縣東南三十里山甚險阻凡十八灣

鳳皇山 在縣東南二十五里形如鳳翥

白茆山 在縣東南三十五里

青石山 在縣東南二十五里上有石亭

斜山 在縣東南三十五里山北有斜山嶺通太平縣路

梅山 在縣南六十里

招隱山 在陵陽鎮南雙髻仙隱此

革山 在縣南七十里抵石埭縣界

南山 在陵陽鄉高與九華並峙

顯山 在縣南十五里

金霞山 在十三都又名尖山

九龍山 在縣南六十里

同山 在陵陽鄉仙人峰下同於九華故名唐處士李昭象墓在焉

城子山 在縣南五里與舊臨城相對故名

靈鶴山 在縣西十里舊有白鶴真人廟崇聖寺及逍遙台今俱廢

龜山 在縣西南四十里山頂有寺西廡有流泉一泓名曰靈源又曰白龜泉

青陽縣志

卷一

山之北

魁山 在慕善鄉又名灰山上有聖泉寺

際頭山 在縣西五十里抵貴池界

曹山 在縣西四十里上有寺寺後有三角泉

真武山 在八都休波口有龜蛇環左右

考坑山 在縣南八十里抵貴池石埭二縣界山有洞洞口深敞山水匯入其中伏流至石埭魚龍洞出名魚龍後洞

四峰山 在縣西二十五里舊有菴今廢抵貴池界

青山 在縣北五里縣以此得名踰梅家嶺抵貴池界為縣治之枕

清泉山 在縣西十里山下有鋪

峽山 在縣北十五里兩山夾河對峙故名邑之水口山也達大通江

洪山 在縣東北二十里與獅山對峙中通衢俗名石門為青邑北障頂有蓮花石遠近瞻雲禱雨號為雲冠山宋元

間有禪室兩壇
旁有清石數井

石壁山

在縣東北三十里外峭中空山半有觀音洞下有泉時變潔濁可占晴雨山麓為壽安寺

寨山

在二十三都北界南陵下有黃荆泉明成化間羣鶴翔集蘇氏始遷居焉

城山

在縣東北五十里週圍如城有一峰特起

騎龍山

在縣東北三十里

柏樹山

在縣東三十里抵南陵銅陵二界

大黃尖西山

在縣南二十里邑人施堯臣壽藏在焉

殷家山

在城西隅縣治之來脈也邑人孫梯瑞竹山房在焉

讀山洞

在縣東二十里石青如黛形如垂鐸內有石蓮花之狀

秀巖洞

在讀山洞之上頂如華蓋中有泉味甚甘

青陽縣志

卷一

山之北

十七

魚龍洞

在縣南八十里其洞凡七流水深澈編筏乘火可入水中
有綠魚白鳥有洲渚岩壁嶙峋如玉筍蓮花攢戟之

類奇形異狀難以盡述
邑人何飛鵬有歌

鼉龍洞

在縣東北二十里大湖之上石壁如城環半畝許內有大洞爽塏廣平旁有數小洞

白雲洞

在縣東二十里降北橋之上奇峰怪石種種不可名狀
秉炬入遊竟日難測其底

蓉溪河

其源有六一自百丈潭斜嶺出林口一自小分流嶺經梅村塘塔水橋出小雙河一自七布泉出江村一自仙

隱山蒼麓沖何村一自曹沖碧雲菴黃匏城出龍溪一自西洪嶺拾寶山出石子港會於臨城高陽橋

雙河

其源有五
一自大分流嶺一自斜山一自竹溪出黃沙橋入王田埂一自古田聖泉出蘭春河一自龍池山出

橋溪會於雙河口

橫橋河

其源有二
一自清泉嶺一自查坑俱經漪港合青山水會於分橋以上諸河統會峽山北流遠大通入江

管埠河

發源有九
一自查坑一自葛村一自水龍山出錢家橋一自寨山出芭芒港一自綠子澗出了家橋會於橫路

港一自橫架石出社橋經青山橋一自大游山出平田
一自黃菓嶺出烏潭橋一自西坑嶺王獅鋪與東河諸
水總達大
通入江

五溪河 發源並自九華一曰縹溪出飲猿潭二曰瀾溪出蓮花
峰下三日雙溪出上下華池四曰曹溪出鳳凰嶺五日
瀾溪出龍池會於六泉口
經五溪橋達梅根入江

博山河 發源有五一自大分流嶺南一自瀾灘港一自亭子坑
一自何冲坑俱出陵陽鎮觀前總會於琉璃嶺下經
通橋入石
康舒溪

七溪河 發源有二一自柯村嶺一自湖田合流經邵村會七溪
嶺下入石康柳家梁

三溪河 發源有四一自黃石谿出南陽一自牛欄坑一自平坑
一自考坑石湖坑會於三溪口

白鶴池 在縣六都槐花壠之山半

小江口 在二十一都縣東北四十里為南陵諸水之會

青陽縣志

卷一

山之北

七星河 在縣西西館河內有七圓石如星故名源出玉屏山之
南下經匯源橋

香池 在縣南陵陽鎮之東約十餘畝

清溪 縣東北四十五里發源雙龍井沿百餘里至此清泉更
清激如許因名之曰清溪

隱真泉 在招隱山之麓昔傳雙髻仙遁化之處

清泉 在縣西十里清泉嶺下石罅中流出大旱不竭始曰鮑
泉繼曰趙泉宋嘉定間西山真德秀先生過此愛之乃
更其名曰清泉因為之銘勒於石邑令喬幼聞有記岳
武穆嘗飲馬於此山側小關王廟前蘇令建一亭

聖泉 在縣西南四十里魁山下冬夏不竭民賴以灌溉下溪
為縞溪

桃花澗 縣北二十五里在十九都有雷門石古蹟

老鼠石山 縣北三十里山有鼠石古蹟明徐中山王廟在焉今
廢抵銅陵界

龍王山 縣東十五里有龍岩石潭日月三潮時長時消人與田
賴之邑太宗伯王懿修詩云滂然湧出日三潮從古如

斯看不消活水忽留停錦浪仙源時到泛銀濤隨期報
信將臨夕應候來泉早在朝泊泊一方資潤澤山陬豈
讓海門高

潮泉

在縣東十五里龍池山下岩有二竇潮自中出日凡三
度每潮至先有小魚遊於外宋邑令曹機鑿方池亭其
上韓子蒼有神仙應愛我
三送雪成隹之句

二十四湖

在縣東北二十里夏秋潮漲汪洋千頃春則連亘太
荒綠蕪滿望青之巨觀也因課屬大通河泊所所革
改屬銅陵故
舊志不載

筆架峰

在十三都九華山脈自七井山經三十六岡至此突起
三峰

仙人嶺

在十三都金霞山下有丹灶石壇在焉

虎豹山

在十三都與金霞山相聯屬

白鶴山

在十三都一名白家山何壁記巖壑窈冥山之南漢諫
議何太清墓在焉

青陽縣志

卷一

山之北

十九

玉華洞

俗名前山洞在十三都大壁菴前洞深數里秉燭入有
玉柱靈芝華蓋諸勝

簪笠洞

在十三都三溪口東深數十丈嵌空玲瓏其頂如笠故
名

華溪

在十三都發源於九華筆架峰下合管沖水經陳村復
合石步坑南沖諸水出三溪口

東溪

在十三都源出仙人峰下平坑遠隴上出三溪口旁有
東溪亭陳譚建

玉龍潭

在十三都龍王山耀紫巖下遇旱亦流不竭

雙螺峰

在十三都所村雙峰聳翠宛如青螺故名

清河

在十三都所村源出仙人峰河流似帶由陵陽鎮達石
埭

白沙嶺

在縣南八十里十三都地界

抱兒山

在九華山龜山之北孝子陳良臺因母墓遠臨卒囑葬
母墓下奉旨旌

銅牛宕

在陵陽鄉十一都九甲同山下昔有遊士見此山有瑞
氣必有異物因而掘之不數尺有銅牛躍出而去莫見

其跡故名

慈雲山

在十一都曹姓長護山之極頂南眺黃山革阜北關九子天台常有雲氣靄靄垂如幢旛然西峰菴及進士曹

廷褒書堂在焉

黃荆山

一曰五山五峰並峙峰上多產黃荆故名在縣南七十里十一都李村明太醫御監李仲實上章別業在焉

栗陽山

在十一都李村北界太平上有黃城峰龍井盛夏不涸鄉人祈雨禱之必應

映峰潭

在十一都博山琉璃嶺內舊名碧潭潭上謝新建有亭今圯明尚書石埭畢鏘過此見有諸峰倒映其中分明

可愛改名映峰潭題句十里陵陽古道中荒亭野寺樹蒙龍溪頭潭水澄如碧倒映琉璃峰上峰

燕兒洞

縣北四十里柯冲章好境內山環水繞別開幽壑初被榛莽掩覆於康熙年間或開一洞乳燕飛舞追尋其

門入外接天光平坦可二席許汁流獸形曲逕穿圓穴半坐一石突兀如躍龍勢上高內寬遊者須火冬煖夏

涼靈變莫測同治八年柯冲章姓合建廟宇

青陽縣志

卷一

山之北

鮑溪

在十三都自黃石溪流遶河西鮑宅由水口駕虹橋出三溪口

石蓮洞

縣北四十里柯冲章宅前樹林蔭翳石逕斜穿其洞向為大石蟠踞乾隆庚子新春有牧童匍匐而入里人隨

往觀焉鑿開見華蓋宛然旗帶儼具橫空一石似床旁如蓮瓣

響泉洞

縣北四十里石蓮洞下岡脊蜿蜒碧雞翔集清泉自洞出深不見底遊者從鳥道入擲石鏗鏗似撞鐘響自古

迄今未見填塞汲以烹茗香味奇絕

出水池

縣北三十里黃垵山下田內沸泉湧出澆灌田畝大旱不絕里人賴之

玉屏山

在縣西四十里形如屏障故名與曹山對峙

鯉鶴巖

在縣東二十五里石上有鯉魚仙鶴形跡宛然山峽路通江邑

黃龍山

在十四都東堡東界涇縣高十餘里上有七井夏月晨起見有雲霧是日必雨相傳有龍宅大旱取水禱即雨

玉梅峰

在縣東二十里五峰並峙狀似梅花邑人王永堅有志

紫嶺 卽青石嶺在縣東南二十五里嶺上涼亭並關帝廟徐良九建

白茆山 一名天馬塘在縣東二十五里舊志載

望江尖 東太平西青陽陟其巔楊子江如虹繞其下陳邦彥書院遺址存焉

八龍岡 在梅村黨雙峰插天羣山發脈之祖

哭冰涯 因孝子陳鎬六月哭冰於此故名

巽峰 山西東堡界連涇川位巽方故名其峰天然秀麗上出重霄當盛夏時雖四圍無障赤日行天是峰微吐白雲

不移時而雨至焉

美人峰 山峙東堡上游卓立分流嶺之西中峰聳起左右斜分象形宛若人字又因其黛浮煙滴縹緲雲端故名美人

縣東門外北河發源於此

九曲溪 溪在青石嶺右匯東堡諸流而環鎖之窈深幽邃怪石錯互其間舊志名三泉口懸水吳宗伯為翰林時遊此

青陽縣志

卷一

山之北

二一

嘆其奇絕以為不減武彝之勝故更今名里人徐權有詩歌遊記

寶珠山 在縣市東關外賀家巷口昔係陳業坊市八甲眾姓合買蔭樣培築以固來脈以保陳墳

金山 在縣東三十里

大西山 在縣東四十五里

小西山 在縣東四十五里兩峰多奇巖片石層疊如積書然董氏居之因名二酉

賓山 在縣東五十里一名掛榜山連峰不斷形如翠屏東南屬涇西北屬青青城之東關曰賓陽者以此

湧泉 在縣東三十里俗名寺井係梯雲山麓其泉潏然仰出旁入石竇中越河穿田半里許忽然現出離奇變幻極為幽勝廬陵曾榮過訪吳安有遊湧泉記

為幽勝廬陵曾榮過訪吳安有遊湧泉記

木瓜山 縣東三十里木瓜舖唐刺史杜牧禱雨處上有朝山洞

雨山 縣東二十五里古有壇於禱告祈雨處

望江尖

縣東二十五里馳贈光祿大夫阮席珍建望華菴於上
今廢

注水洞

縣東三十五里在二十四都九連山北洞口壁立直下
三丈許橫開石門如掀帳其中綠水深沉以石投之有
絲竹聲春夏間日漲三潮霧起輒雨
相傳有龍居之里人多禱雨於此

石岫山

縣東南三十里屬二十四都俗名東山明洪武時徐壽
山出遊其子常登山瞻望因名爲岫

梯雲山

俗名板梯山有湧泉勝景吳安以母老乞歸築室於此
以承先志以養慈母同年友皆賦詩以贈

鷲特山

在縣東靈岩山側勢極奇秀上有攀桂軒邑人程孔昭
讀書處

烏石

在縣東七里石高數仞秀潤可挹上常有雲氣舒卷宋
學正孫觀愛其幽閒遂卜居焉

火燄山

在縣東十里壁立萬仞霞彩橫飛上有大慈菴邑人何
飛鵬有志邑主事沈廷獻以名不雅馴改爲霞艷山

白蓮潭

在縣東五里泉冽甘美花白異常昔有白鶴雙翔可望
不可卽之異

沿溪

在縣東五里源出龍池山曲折迴繞上有拱秀橋萬厯
壬子程世普建

青陽縣志

卷一

山之北

一一一

雲村

在縣東十里赤壁列屏雙溪環帶煙光霧影如縹緲間

自幘山以後不列九華者悉照舊志分列

附跋

九華推青邑山川之最舊志於九華山僅列某峰某澗某泉某
岩某洞與諸山錯雜眩惑不分今據山志補註詳核間摘名
賢歌詠以紀其勝至諸山悉尾其後亦旁註其下訂正訛缺
較之舊志則增詳矣庶閱者犁然如身親陟也

附錄

九華山在縣西南四十里高數千丈延袤百八十里峰凡

九十有九江南第一名山也

江南省志

九華之勝不在山中從江上望之秀逸清遠夕波落日邈

然於懷又得太白嘯歌每泊林岸便覺九子依依向人
王十朋望九華雜著

形勝

三溪口 在縣南七十里三溪合流兩山夾水峭立路出山下

博山琉璃嶺 在縣南七十里左右有彭祖張果老墓

白茅塘 在縣東南三十里山峽有路僅容一騎

黃蘗嶺 在縣東五十里山高水深路瞰懸厓

白沙嶺 在縣西七十里峰峻路窄傍多深谷

峽山口 在縣北十五里通大江兩山相對中間如峽

劉相公寨 在化寺上宋建炎中寇張遇犯境鄜王劉光世因險立寨於此

青陽縣志 卷一 山之北 一一三

毛萬戶寨 在福海寺西北

趙普勝寨 在窰谷崖

錢元帥寨 在六泉口元帥名清八都人元末集義旅以衛鄉邑與趙普勝寨相拒

江元帥寨 在文殊峰元末池郡邑為趙普勝所據守將曲律不能拒而遁統兵官鄧公總制宣城令各邑互相

保障以邑人江華甫雄武劉付稱元帥結寨於九華山文殊峰與錢清相犄角招集義勇固守地賴以安

劉公寨 在九子峰之下左右石壁峭立嶺甚縈紆

六泉口寨 在八都錢清拒趙普勝即此

黃石溪中寨北寨 在縣南六十里時陰雨常有呼嘯金鐵聲

呂柟甘泉書院記云九華羅綻乎芙蓉六泉旁湧乎金碧南引羣翠北入大江此形勝之最佳者也舊志唯載險要者或亦有

司保障之所宜知耶今仍之

鄉鎮

陵陽鎮 在縣南六十里通石埭舊為陵陽巡檢司漢時陵陽縣在此

慕善鎮 在縣西二十五里俗呼五顯廟前通五溪河

金山鎮 在縣東六十里俗呼黃荆塔通南陵

吳潭鎮 在縣東北二十五里俗呼木竹潭

銅埠鎮 在縣北二十里

管埠鎮 在縣北二十五里以上三鎮俱通大通

鋪程

縣總前鋪 在譙樓外之東知縣張南翀改為羈候所萬曆二十三年知縣傅賓即以所東舊祠屋三間改為鋪舍東

青陽縣志

卷一

山之北

一一四

遞南陵西遞貴池南
遞石埭北遞銅陵

東路十里 石嶺鋪 十里 讀山鋪 十里 木瓜鋪 十里 王獅鋪 此係

之處知縣蘇萬民重建前廳後堂站蓬皂隸房廚房週圍垣墻萬曆二十年知縣蔡立身重修增補器皿什物

等件久廢址存 趙塘鋪 十里 金山鋪 過鋪五里 為南陵界

西路十里 清泉鋪 十里 五溪鋪 過鋪三里為貴池界

南路十里 徐橋鋪 十里 蔭橋鋪 十里 胡村鋪 十里 分流鋪 十里 為中

火處知縣蔡立身重建後堂三間前增置東西幕舍久廢址存 方冲鋪 十里 沙橋鋪 過鋪十里

為石埭界

北路十里 倪店鋪 十里 查河鋪 十里 騎壠鋪 十里 界山鋪 陵界

以上共十九鋪每鋪廳三間郵亭一座皂隸房二間四圍

有垣俱萬曆二十一年知縣蔡立身重修舖屋咸豐年兵燹

原額差馬三十五匹乾隆二十四年奉文暫減馬十五匹夫七名賓差馬二十四匹馬夫十四名差夫十一名

以上馬每匹給草料銀六分馬夫每日給工食銀二分月給馬田稻一石差夫每日支銀穀與草夫同

現在差馬十四匹馬夫十名差夫十二名

以上馬每匹給草料銀六分馬夫每日給工食銀二分月給馬田稻一石差夫每日支銀穀與草夫同

乾隆年置買養馬官田三號

共弓田五十一畝零三釐共租穀一千一百三十八石二斗零

青陽縣志

卷一

形勝

一一五

南寺坂

田八十一畝九分五釐三絲七忽九微租稻一百六十石三斗五合一勺五抄內自開墾起至光緒十六年底止已墾成熟田五十三畝六分

楊田埂

田二百二畝一分九釐七毫六絲二忽租稻四百四石三斗九升五合一勺四抄內自開墾起至光緒十六年底止已墾成熟田百三十五畝一分

觀音坂

田二百六十六畝八分八釐六毫四絲七忽一微租稻五百三十三石七斗七升二合一勺四抄二撮內自開墾起至光緒十六年底止已墾成熟田百一十一畝三分

古蹟

臨城廢縣

在縣南五里

定陵廢縣

在縣東北定陵鄉

查家馬站

在縣東北二十五里址存

葛稚川煉丹井 在九華山北

彭祖錢鏗墓 在縣南十一都

張果老墓 在縣南十一都

滕子京墓 在縣東石嶺鋪金龜原路傍碑曰宋名臣天章閣待制滕公神墓光緒十二年熊邑令祖詒重修並置祀

田撰有記

許公墓 在縣西南二里協濟祠之北公高陽人宋神宗時任於青建東門外高陽橋熙甯戊申歲卒於官家人舟載柩

回夜至童埠逆風返舟觀至橋下因葬於此聞之故老云今碑誤刻唐青陽令許公墓

白鶴臺 在縣南保甯觀側舊傳有白鶴真人煉丹於此

釣魚臺 見前山川志

閔公墓 在石塔寺東崖下

青陽縣志 卷一 古蹟

一一六

法鑑墓 在寺東文殊菴前之西

福慶墓 在西塔院寺後

道泰墓 卽東塔院在化城寺後

金地藏塔 唐至德初地藏自新羅國航海而來卓錫九華聚其學徒往往著靈異年九十九跌坐以逝建塔三層藏

之傍地時發光五色燭天名神光嶺塔冪以殿俯仰以鐵爲之前梯以石凡八十四級康熙二十三年郡守喻

成龍重修唐一夔詩渡海離鄉國辭榮就苦空結茅雙樹底成塔萬花中王守仁詩雲端鼓角落星斗松頂袈

裟散雨花一百六峰間碧漢八千四梯踏紫霞山空仙骨葬金槲春暖石芝抽玉芽獨揮談麈掃煙霧一笑入

地真無涯咸豐七年殿被劫同治三年僧熾光蕙庭等募建六年復火十三年僧定禪古勲等募建

疊石塔 在淨居寺前唐時人疊亂石而成者高丈餘欹而不僕

永安塔 在西洪嶺

陵墓

費冠卿墓

在縣一都旱麓門

宋齊邱墓

在縣東牛心山下

明處士陳仕晟墓

在十四都石村望江尖下

唐處士李昭象墓

在縣南同山仙人峰下

宋淮東提刑兼知揚州江應洪墓

在西洪嶺之麓

宋開國公程九萬墓

在九華山福海寺旁

宋處士陳巖墓

在縣西雲鶴山麓

宋學士何榮祿墓

在一都菴樣裏

宋安撫何陞祿墓

在仙隱社後

明太僕寺少卿徐謙墓

在縣北十里峽山南

明浙江按察司僉事吳淵墓

在鳳凰嶺

明陳輕墓

在縣北五里

明進士陳昶墓

在十三都南陽灣

明戶部侍郎汪珊墓

在五溪橋

明按察司副使柯喬墓

在柯村後華表形

都給事中吳文梓墓

在老田

明府尹施篤臣墓

在王井山

明府尹施堯臣墓

在王井山

明太常寺卿劉光復墓

在龍口桂家山

明太常寺少卿羅尙忠墓 在縣西八都

明左布政使王一楨墓在銅陵縣城山 省記楨誤作貞

湯侍郎墓 在淨信寺腳菴側

明監察御史方新墓 在縣東下北山

明工部郎中陳邦彥墓 在梅村黨後

本朝孝子陳良台墓 在抱兒山

禮部尙書吳襄墓 在貴池縣上河村

太子少保禮部尙書王懿修墓 在一都牛皮形

兵部尙書王宗誠墓 在十五都扁豆墩環帶承恩形

營建志

堂上鳴琴庭前羅雀官舍所以臨民也臨民者先思衛民則防禦有城池焉成民而致力於神則秩祀有廟壇焉表里者坊平物者市與夫通達道路之為津梁亭榭小大殊制均有占營室辨方位順人心節勞逸者後之君子睹興作之規模其尚思子來之義乎營建志二

城池

城池週圍八百三十一丈高二丈厚一丈分設四門以時啟閉東曰賓陽西曰望池南曰對華北曰仰辰門上有樓護以欄楯外各有月城西有水關導郭外水入城合城中諸水出北

青陽縣志

卷一

營建志

關以達於河下流入江萬歷戊子年知縣常道立為居民往來不便申請新開通儒門於東南城隅自為記三十二年賓陽門樓災三十三年知縣傅賓重建

按縣治故無城治內東西相去七百九十二步南北八百二十七步明初柯柵為門門有樓以備防守東曰陽明西曰清遠南曰秀華北曰望極宏治間更名歸化華秀順華拱辰嘉靖四十四年知縣田登年奉

督撫周檄新築門改今名自為記萬歷十八年知縣秦應鸞增築城北隅而高之乾隆二十九年知縣聶學義重修十七都紳士承辦分段督工五城門樓咸豐年兵燬光緒十年秋邑令華諭勸闔邑捐建計費二千金

公署

縣治正廳一坐

坐子向午元壬辰燬於兵洪武初知縣程桂創建題曰牧愛成化洪治間屢修嘉靖十三年知

縣俞昌言匾曰懷保萬歷十九年知縣秦應鸞重修二十年知縣蔡立身更題曰廉平堂三十二年知縣傅賓

後堂

聯其柱曰九子巖岩臨尹赫五溪河飲官清乾隆四十一年知縣段中律捐廉修此以下均咸豐年開兵燹凡三門在正廳後坐向同元至順間縣尹丁植建匾曰雲松蓋取李白于此臥雲松之句也至正二年邑民方才掘地得石有篆刻雲松二大字知縣張祐重建堂仍其名嘉靖間知縣嚴諒易曰敬簡萬曆二十年知縣蔡立身更題正己格物可對天日二匾萬曆二十六年知縣晏景卿題曰鑑空衡平三十二年知縣傅賓聯其柱曰守官如處女分內廉貞當事要丈夫箇中識量乾隆四十一年知縣段中律捐廉修

官舍

在後堂之後門二重前廳五間後屋五間上有樓廚房三間左邊有橫樓及書房五間萬曆十八年知縣秦應鸞於東北隅添建屋三間及左右廊房三十二年知縣傅賓匾其門曰無憾即安

澄心堂

在後堂左乾隆四十六年知縣段中律建

後樂亭

在正衙後嘉靖六年知縣祝增建

幕廳

舊在正廳左萬曆四年知縣蘇萬民移置正堂右

青陽縣志

卷一

營建志

典史衙

舊縣有丞有簿縣丞衙舊在正衙左後丞革改為主簿衙其主簿衙舊在正衙右後簿革改為典史衙相沿居是至萬曆二十年典史金宗舜改門遷南向舊有典史衙在縣丞衙前乾隆時其址為吏典廳舍咸豐燬於兵

吏科書房

東邊五所西邊五所乾隆四十一年知縣段中律重建

耳房庫

在正廳左萬曆四年知縣蘇萬民重建石窖一座藏貯庫銀兩上有樓門三層萬曆二十二年知縣蔡立身又於中砌磚匱一所下藏上蓋庫門外添造庫房一間令庫吏直宿

儀仗庫

在幕廳後知縣李如桂重建

儀門

洪武間知縣張文昱建正德間知縣包廣重建乾隆四十一年知縣段中律重修

土地祠

在儀門左舊西向萬曆四年知縣蘇萬民遷南向增捲篷一座乾隆四十一年知縣段中律添建圍墻

迎賓館

在儀門右知縣蘇萬民建廳三間門一座涇縣查鐸記

縣門

嘉靖三十五年知縣胡凱建萬曆三十三年知縣傅賓重修

旌善亭 在衙門左知縣傅賓重律

申明亭 在縣門右知縣傅賓重建自縣治正廳至此亭均於咸豐年兵燬

陰陽學 舊在縣西元末廢洪武十七年符勅訓術吳勉於三隍廟開設署事後廟廡無設萬曆六年知縣蘇萬民重建

於譙樓外之左萬曆三十三年知縣傅賓改建於縣門之左舊址空存

醫學 舊在縣東南元末廢洪武十七年訓科李仲實於純孝坊西開設署事後並無設知縣蘇萬民建於譙樓外之

右萬曆三十三年知縣傅賓改建於縣門之右舊址空存

僧會司 縣舊無司僧會皆於妙音寺開設署事萬曆三十二年知縣傅賓新建司於縣門之左僧會照極署事久廢

道會司 洪武十五年道會胡蘊諧於上真堂開設後廢永樂三年道會施繼甯構屋於縣治南又廢後於似甯觀署事

萬曆三十三年知縣傅賓建司於縣門之右二所遺址空存

獄禁 在旌善亭後廳一間囚房七間墻二層門由儀門內出入

青陽縣志 卷一 營建志 一一一

羈候所 在縣譙樓外東係舊縣前總鋪萬曆三十一年知縣張南翀改為今所

省愆所 在縣門左萬曆四十八年知縣李如桂建

預備倉 在申明亭後嘉靖二十二年知縣張牧建萬曆四年知縣蘇萬民添建門樓廡凡六間萬曆二十二年知縣蔡

立身仍於其左添置上下圖社倉三間

譙樓 在縣門前正南正德八年知縣溫塘包廣相繼成之下

萬曆二十年知縣蔡立身重修三十二年知縣傅賓重修匾曰風聲四達順治五年傾圮順治七年知縣史編

重修匾曰大觀在上自獄禁至此均咸豐年兵廢

察院 在縣治東洪武初知縣張文昱創建宏治嘉靖間知縣錢瓚包廣陳賦張牧嚴諒相繼修理萬曆四年知縣蘇

萬民重建正廳五間捲篷五間川堂一間後堂三間柝臺亭一座寫本房三間左右廚房各三間東西皂隸房各三間門子房二間抄案房三間儀門大門各三間週圍磚牆門外東西候館各二間前有石橋一座路西南

又建候館三間門樓一座今廢址存東西有振綱滿
激濁揚清二坊今廢前有風肅行臺木坊舊名仰止坊
萬曆三十三年知縣傅賓改置磚坊題曰憲臺乾隆十
六年知縣錢清率合邑重修乾隆四十一年知縣段中
律捐俸率合邑重建大廳川堂內堂官房柏壽軒儀門
頭門東邊官廳書吏房庫房茶房廚房咸豐年兵燹
在縣治南舊舖基嘉靖三十一年知縣張牧建華陰書
院後改爲察院有廳有川堂有儀門大門廚房三間官
房一間書吏房二間萬曆四年知縣蘇萬民重修增設
捲篷一座東西皂隸房各三間後亭一座匾曰靜觀萬
曆二十一年知縣蔡立身又于儀門之西建候館三間
今廢萬曆四十八年知縣李如桂重建於東匾曰肅容
順治十二年知縣楊夢鯉改建李公書院久廢

西察院

公館 在縣西南正德二年知縣錢瓚建前有廳後有川堂官
房一間書吏房一間廚房三間有儀門大門知縣蘇萬
民重修增置東西皂隸房各二間捲篷三間後亭一座
亦匾曰察院久圯

考

棚 在大察院西乾隆四十一年知縣段中律捐俸率合邑
建官廳東西文場龍門頭門道光二十一年大雪壓倒

青陽縣志

卷一

營建志

三三二

胡王氏命子如望如春重修計費六百金邑令劉撰有
碑記載藝文咸豐年兵廢同治四年請將勸農局餘費
專建考棚將故址拓廣移就東偏填高地基三尺以防
水溢規模雖改方向仍舊陳攀桂徐球蘇江濤道櫃
甯育英程名標督理

鄉約公署

在縣東門外塔泥喬廳屋三間門樓一座四圍磚墻
萬曆二十一年知縣蔡立身買孫照基園並社倉廢
建每月朔望親率子弟
詣所講約今存遺址

二省亭

在西門外萬曆二十一年知縣蔡立身買大孝園地建
省耕亭後圯天啟三年春間知縣李如桂重建廳屋一
座門屋一座以時省
農匾曰二省亭久廢

華東公署

在縣治東六十里南陵縣界萬曆十一年知縣蔡立
身建今遺址

演武場

正德間知縣包廣立於縣治北城隍廟故址嘉靖間知
縣田登年因築城遷於南郭外碎石嶺萬曆五年知縣
蘇萬民買陳秀山地拓基重建後異風吹折天啟元年
知縣李如桂重建官廳將臺釐然匾曰氣壯蓉城久廢

惠民藥局

舊在縣市北純孝坊西久廢

養濟院

舊在縣西安治十四年推官李雲遷於儒林坊永安橋萬歷五年知縣蘇萬民遷於望池門外正廳二間門樓

吏職會館

一坐門房六間東西房各十間王光宗施廟後舊塘沖田九分六釐沖下田七分二釐四毫院於咸豐年兵燬係王尙時等價買王之璘陳佐東城內妙音寺西首坐北朝南房屋餘基改造為十七都圖會館其屋現佃徐胡居住每年交館掌收賃久圯

廟祠

關帝廟

在縣治公館左舊為沈侯祠萬歷十一年知縣孫成名令僧海甯募貲改建本朝順治十三年知縣楊夢鯉重修咸豐年兵燬光緒七年合邑捐建

城隍廟

舊在縣北宋紹熙癸丑縣令歐陽源建紹定癸巳縣令喬幼聞修正德間知縣田登年新築城垣遷於縣治東察院之右神不歆祀四十五年知縣徐孺復遷故址萬歷六年知縣蘇萬民以其狹隘捐贖金二十兩易櫺

青陽縣志

卷一

營建志

三三三

地增置室宇正殿三間川堂一間後殿二間大門三間儀門牌坊一座匾曰護國庇民兩廊各五間後樓三間週圍磚垣自為記乾隆三十七年知縣吳文禱修有記載藝文咸豐年兵燬同治五年合邑捐修前殿十一年合邑捐建後殿及萬年臺

丁宣王廟

北山盛家壇側乾隆十年盛導公建久廢

九華廟

在縣南二十里坐落一都又名二聖廟相傳唐時暹羅國金地藏飛錫駐劄九華二臣昭佑昭普追返國不遂因築室居此修煉後合都立廟塑像恢其基址廟北有園共置香燈田七畝七分與廟僧管納

八蜡廟

在縣西郭外百步許於順治十二年改為大勝菴同治建咸豐三年兵燬

瘟廟

在縣西郭外百步許於順治十二年改為大勝菴同治十二年合邑重

文孝廟

在縣治東九郎墩五代時有廟久廢嘉靖三十九年有陰謀之者推官陳萬言感異夢屬知縣毛德貞於舊基重構學訓蕭文伯記各鄉有廟惟在陵陽鎮者香火尤盛咸豐三年兵燬

九龍廟

在十三都九龍山後有龍井鄉人禱之輒應

白氏廟

即白鶴大仙廟去縣七十里十三都陵陽鄉南冲口鮑氏首建被焚嘉靖七年鮑潔置基重建刻像二十八尊

康熙間後裔式重一朗重修

蕭公廟

在二十一都管埠

陽明先生祠

在九華山化城寺西先生正德間兩遊於此聚徒講學從者彌眾岩石上多留題處嘉靖初知縣祝

增為建祠宇前有堂廡後為仰止亭肖像刻石於中門人呂楠歐陽德鄒守益記歲春秋次丁祀之萬曆二十

二年知縣蔡立身重修置祭器正祭儀續奉兵道侯命置祭田一十畝零累奉院道府捐金修建剏監石坊吉

水鄒元標記後頽敝天啟癸亥知縣李如桂重建寢室三間奉先生祠以鳳臺前廳任公配左列柯憲副吳奉

常精舍三間右列羅憲副劉侍御御精舍陪祀湛若水任柱王世祿王之璘孫楠孫杞王平子何壁乾隆辛丑

年知縣段中律因祠祀荒廢增建於妙音寺東有記今存遺址惟在九華山者同治六年柯吳劉羅四姓重修

青陽縣志

卷一

營建志

祭田號畝

一查坑口外田五畝虛科佃一清泉舖田五畝零陳香佃

知字四百四十五號一畝三分一釐三毫三絲

知字四百四十六號七分五釐七絲三忽

知字四百四十七號六分七釐五毫三絲

知字四百四十九號六分三釐六毫五絲

知字四百五十號二畝四釐九絲

知字四百七十一號五分零九絲

知字四百七十二號一畝九分八釐九毫

知字四百九十一號一畝二分一釐

以上共田十畝零六釐俱知縣蔡立身置每年該

租二十担折銀三兩六錢備春秋二祭

陽明仰止祠

即陽明先生祠邑人王慎詩科蚪尼山學麒麟漢代功人分千古局公擅一身雄元水珠先握迷

川筏早通青雲蔭汗簡赤日照葵忠自奮神羊觸甯甘伏馬充直聲寒九域正氣惱重瞳儋耳投蘇老雷州遣

寇公憑天驕國狗射影伏沙虫劫盜遙行刺孤臣但叩衷誰知膏辦客猶作沂波翁信有良知在無憂直道窮

終焉迴聖怒無復據神叢風力南溟厚龍光北斗冲爲霖開幕府仗劍領元戎義戰宸濠縛妖氛彭蠡空康侯勞汗馬楓陛賜彤弓河帶盟淮上茅封出海東濟川才既偉銘鼎志尤洪道牒終無續經箱老更豐尋山同禩禡聚石倚崆峒兩度芙蓉嶺諸峰錦繡中曼陀花似雨聽講狄吟風半偈東岩喝纖歌絕頂工整衣致樽俎縹緲浙雲紅今存遺址

李白祠堂

舊志在九華龍女泉側後蕪沒不存宋嘉熙間邑令蔡元龍建於化城寺之東尋圯明永樂間邑人王友益王綸重建置有祀田若干豎太白書堂石坊一座成化丁未友益孫王道同柯志洪吳獻重修前有兩廡及碑亭祭酒王俱記後燬萬厯初知縣蘇萬民於故址建堂三間後知縣蔡立身移建於東崖僻處邑人有青蓮詩社在 本朝康熙五年建舊圯祭田沒爲僧舍石坊猶存合邑呈請以何政何尹陪祀祠堂乾隆十六年又葺前邑令錢清記向以王友益王一楨王之璘陪祀孫哲孫愨述陳巖今存遺址

李太白書堂

即太白祠王守仁詩千古人豪去空山尚有洞竹深荒舊徑薛合失殘碑雲雨羅文藻溪泉繫夢思

青陽縣志

卷一

營建志

老僧殊未解猶是索題詩 本朝喻成龍詩微雨散西林羣峰忽晴霽着屐踏新泥迢遙任所計泉石開心神涼風吹松際青翠入荒祠古砌衣薜荔殘碑臥檐楹白日門猶閉廢興固有時我來閱千歲豈不深慷慨聊與陳瑣細君本謫仙人自矜多才藝詞賦凌滄州致身外科第空慚聖主恩遂使讒佞蔽丈夫感義氣忍被利名繫脫身事五岳宇宙同叅契襄陽杜子美愛君如兄弟從此下吳越江山來休憇浩然懷英風精魂隨波逝歌君蜀道難爲君一掩袂咸豐年兵廢同治十三年建吳耿忠倡建

甘泉祠

在化城寺東中峰之下嘉靖間建尋圯萬厯二十一年知縣蔡立身重修咸豐年火於兵

清隱祠堂

宋處士陳岩建樓三楹匾曰溪山第一左室曰靜觀右室曰燕居樓前爲月池池上有臨清亭元義士方時發以巖自號九華山人題曰九華書院後因兵燹失其所在明正德五年巖六世孫九疇書白巡按御史朱光提學御史黃如金俱准徽縣給府館舊址改築祠堂教諭鄧卓記萬厯七年元孫陳大謨重修知縣蘇萬民匾曰宋處士祠久廢

天柱書堂

在九華山天柱峰下明徵君施達隱居處

廢廟併書堂六

龍王祠在十三都玉龍潭側元邑人楊少愚建石舊刻猶存汪王廟在縣治東小石橋側正

德十三年知縣包廣改建城隍廟費冠卿書堂在九華山少微峰下王季文書堂在九華山頭陀岩下即

今無相寺李化文書堂在九華山碧雲峰下滕子京書堂在雲外峰之半以上俱廢

吳公祠

在縣治西居官治績詳見秩官志闔邑紳士申請立祠立石在焉

王公祠

在縣治西美績詳見秩官志已配祀鄉賢邑之紳士重其望復請建祠

劉公祠

在縣治西神宗時為國本建言詳見秩官志崇正間邑人景其忠鯁請祠焉

吳公祠

在縣治東大察院之右以稅事件中貴被逮詳見秩官志邑人祀焉

費拾遺書堂

在少微峰下或云臥雲菴其舊址也前為天香嶺本朝喻成龍詩少微高隱白雲端苦塊陶爐血淚

乾丹召身榮全節易孤臣心死報恩難空山日落猿啼急古墓松深月到寒流水不關人代謝秋生巖谷野

青陽縣志

卷一

營建志

三六

殘久廢

王季文書堂

在頭陀嶺下即今無相院柯崧詩祇樹何年閻茶藤此度花看山攢玉筍酌水聚金沙勾邑真人宅

唐朝處士家雲霞護金碧瞻眺夕陽斜久廢

李昭象書堂

在碧雲峰下僧希坦有執謂堂空人已往溪聲還作讀書聲之句久廢

許公祠

在高陽橋西祀宋邑令許介後遷於縣治西尋圯移祀協濟祠萬歷五年知縣蘇萬民復建祠於橋西

日永鎮長虹有記後移縣治東三十二年知縣傅賓改建於賓陽門月城內守祠僧會海甯募建觀音閣於前

靈應祠

在十六都

協濟祠

在縣治南二里望仙墩俗名九華廟相傳二神姓曾三國時人兄弟避亂入九華沒後俱顯靈異有禱輒應宋

大觀四年賜金額紹興以來加封廟宇嘉定間縣令許介立祠祀之自為記明萬歷五年知縣蘇萬民修左自

三聖殿右有五猖祠後有寢室每歲重九縣官詣祠致祭以許公配享後傾圮順治六年鄉耆何應典捐資重

修

田晏二侯祠

在縣西門月城內初田侯奉檄築城炤丁田派役民雖勞而不怨因立祠祀之後萬曆年間晏侯慈惠勤敏與田頴頴因並祀之咸豐年兵燬

沈侯祠

在縣治公館之右祀知縣沈子勉邑人施堯臣撰記祠內有田四畝坐落南寺坂附入二十一都尚雲漢戶管守祠道士收租以供香火修理之費今改闢王廟移沈侯陸侯像於東廡碑存田並入廟

蘇侯祠

在縣西二十五里五溪橋側橋為侯所建民因祠於此今廢

蔡侯祠

在縣東北二十里查河鋪侯造青龍橋於此民因祀之今廢

李侯祠

在西門月城內兵燬

鄭侯祠

在縣北門外侯建青鎖橋以培水口民感之故祠於此立石于橋側邑人劉光復記今廢

史侯祠

在縣治南有惠政及民因祀之今廢

青陽縣志

卷一

營建志

三七

三賢祠

在縣治西初為羅山羅侯清廉惠愛邑人祠焉有蘭水孔鄭二公為之記于碑陰後因江陵王侯西冲龐侯政績熾美合為三賢祠以志甘棠之遺蔭云今存遺址

王侯祠

在縣治南創立玉華書院後擢御史邑之紳士即以其書院設木主祀之今廢

李揆撫祠

在縣治南揆撫李公諱日芄築填宅革火耗恤馬站置官田民賴安堵感其惠政建祠祀之今廢

閱肅書堂

在九華山天柱峰前宋程槐讀書處天順間槐孫程懋重建

雙華精舍

在陽明祠右

九華書舍

在縣南十里邑人僉事吳淵讀書處

范希文書堂

在縣東二十里讀山之陽世易址沒民間萬曆三十三年知縣傅賓按志文清出

雙峰居士書堂

在福安院前宋待制程鵬飛舊讀書處面雙峰因號焉張紫微為之記

湯侍郎書堂

在文殊峰下宋侍郎湯允恭所築

滕子京書堂

在雲外峰下又名滕司諫書堂思賢岩諫堂山皆以此得名

劉世疎菴

在雙峰下保真院東北僧希坦詩有藏卻胸中萬卷書邠來山頂結茅廬之句

九華山先生隱居

宋齊邱嘗隱於此後失其處詳本傳

九華書院

即清隱祠堂本朝何煜詩邱壑幽姿夙有緣草堂勿折護松煙九華遊處皆題詠名姓都非至正年

九華山房

元末時義士錢清建以面對九華故名有王忠文公禱祠久廢嗣孫登重建本朝姜寅詩君家結屋幽

岩裏一望華峰面面齊臺榭頗能沿舊制山川自此費新題開窗對月攤詩卷曲徑呼朋聽鳥唳誰道芳蹤難

再續即看花樹已成蹊

鳳臺精舍

在仰止祠左為本府同知任柱建

曾侍中別業

在雲門峰南

柱明精舍

在新建太白祠右為方伯王一楨建王之璘詩九子何蒐萃春遊屐齒芳壑抽瑤草秀峰拔古蓮香鳥道

青陽縣志

卷一

營建志

三八

通仙窟鶯花覆佛場於茲歌陟吧霞嶺鶴猶翔今存遺址

陳仕晟祠

在十四都石村義倉側

南臺精舍

在陽明祠東

還素精舍

在會文堂左為封侍御劉織建

欽所精舍

在會文堂右為副憲羅賜祥建

雲波書院

在劉冲邑人吳鍾隱處前明吳光錫詩如作經年住春纔獨訪初紫嵐通漢迥碧浪下簷虛伐木深求友

啼猿伴著書坐移山月永煙際返吾廬

范文正公祠

在縣東二十里長山宋末邑令丁植建祀以天章閣待制滕宗諒配丁恭愍公黼記

明邑令李如桂祠

在縣西月城內今廢

崇甯書舍

何榮祿陞祿兄弟讀書築在一都仙隱山

陳有讓祠 在十三都考坑菴後

鮑東祠 在十三都印心菴側

劉孝子祠 在八都西館村

錢元帥祠 在八都五陽里雍正元年奉 詔為明贈靖難忠節 昭勇將軍任山東萊州衛指揮使錢清建

雲禪堂 在二十四都寺基山周琉珍建

江公祠 公姓江諱忠義官提軍同治二年七月十六日賊數十 萬由太邑竄青圍城數重城內鎮軍朱邑令楊明順同

心死守糧盡幾潰百姓饑食人肉公於八月二十八與 彭中丞親統大兵由西境越山突至火焚賊營血戰追

奔城圍遂解公旋師病卒百姓德之邑令楊詳請 制軍曾發銀二百兩建祠祀焉其基係上圖徐清鑑公

裔天香等捐助光緒十七年又將祠 後毗連屋基一方並書翰字歸公

壇壝

社稷壇 舊在縣西望池門外嘉靖四十一年築城併入城基春 秋行禮俱附城下萬曆二十一年知縣蔡立身買何大

孝園地六分築壇於橫山壠 前有門後有屏四圍紅牆

山川壇 在縣南門外洪武八年主簿陳子通建嘉靖間知縣張 牧重修

先農壇 在縣東門外乾隆四十五年知縣段中律重修

邑厲壇 在縣治北門外洪武八年主簿陳子通建於縣北重山 下正德間知縣包廣移今址有廳三間

雨壇 在九郎墩為旱祈禱之所以上五壇今存遺址

每歲春秋二仲之上戊祭

社稷之神知縣主之致齋二日出主於壇左稷神右社神用帛

二黑色羊二豕二爵各三劔各一邊四豆四簋四簋四同日

又祭

風雲雷雨山川之神設三主中風雲雷雨之神左境內山川之神右城隍之神帛如神數俱白色羊三豕三爵各三劔一籩四豆四簋二簋二每歲季春亥日致祭

先農之神先期致齋二日牲牢品物與社稷壇同帛一用本色外備五穀青箱每歲以四月十八日行常雩禮赴先農壇合祀社稷山川諸神先期致齋二日其儀物與先農壇同

橋梁

清平橋 在縣治即古定星橋邑令陳克芳重建改今名河內有亮蝦出則主科甲之兆因年久河淤光緒庚寅冬邑尊華諭城內士庶捐金疏濬

高陽橋 在賓陽門外宋淳熙十四年邑令許介建令高陽郡人因名至今洪水屢衝屹然如故橋下有潭名放生池深

青陽縣志

卷一

營建志

四十

不可測隨邑令之廉污以為潔濁近因屢災知縣傅賓於萬曆三十三年令盡撤橋上篷屋使無閉塞水口新以石欄護之橋東北首靠河店屋基係上圖武生何遇恩助橋西北首靠河店屋基何士彬助又東城外北首衙口店屋基何敬莊公助

察院橋 在縣治東

步雲橋 在學宮左萬曆六年蘇萬民建

汪王橋 在城隍廟前即古小石橋嘉靖初年知縣祝增陳武修邑人章允賢記嘉靖四十二年洪水衝圯知縣毛德貞修改為富陽橋人猶舊名稱之光緒元年蛟水衝圯四年同知銜陳彥等勸捐倡建

清河橋 在縣市東邑人陳有讓建

塔泥橋 在縣治東二里萬曆四年知縣蘇萬民重建更名曰補助橋以橋北有補助亭故也萬曆三十三年傾圯其半知縣傅賓重修護以石欄嘉慶十四年孫華先倡首勸捐移埠重建

東溪橋

在縣東二里俗名兔兒橋水傾半圯同治八年何金鈴修

延壽橋

凡三座又名五仟三橋俱知縣王政建邑人程懋記

洞仙橋

在縣東二十里俗名降北橋邑人章楷建後圯楷裔可相修乾隆初楷裔廷芳等重修

王獅橋

在縣東四十里橋側立石獅以鎮故名

社橋

在縣東六十里抵南陵界

烏潭橋

在縣東四十五里邑人汪旭建後圯章倜重建知縣茅坤記後圯章姓重修

延壽閣下橋

在縣東四十里一名新橋邑民汪旭建今圯

沙橋

在縣東五十里

北山橋

在縣東三十五里

青山橋

在縣東五十里邑民章倜建章棟記

青陽縣志

卷一

營建志

四一

小江橋

縣東北四十里明洪武十二年里中王富壽建

斜山橋

在十四都又名大源橋

清溪橋

在縣東北四十五里里中國學考授縣丞王烜建子貢生世圭重建邑舉人何溥謙記

通仙橋

在保甯觀前知縣王政建莆田鄭傑記徐家桂屢修

三板橋

在通仙橋前徐家桂修

延春橋

在十四都石村

藍陂橋

在十七都其港通藍陂澗水故名

橫澗橋

在十四都大分流嶺下俗名弓背橋

薦官橋

在十六都施應寅建光緒年寅裔重修

雪軒橋

在縣東南二十里邑民王岷建

梅塘河橋

在縣東南十五里邑人王致佑建尋圯萬曆十年
佑子思諷重建傍有松明菴知縣晏景卿記乾隆庚
午王佑祥王國佐子孫重建己酉石梁半圯嘉慶己未
王佑祥王國佐後裔改建捲橋開五洞長二十五丈餘
寬二丈西岸建屋二所以資保護巡撫荆道乾撰有碑
記

黃沙橋

在東南離縣二十七里青石山下順治十一年洪水傾
圯順治十四年里人徐文烜等重建乾隆四十年徐良
儀等重建郡尊張公更
名曰利涉橋撰有碑記

待賓橋

在縣南二十里元邑人王佑祥建十五都地

新興橋

在十四都梅村塘

鮑村橋

即駕虹橋在十三都鮑村水口宋鮑種德創建洪武八
年傾圯後裔驃騎將軍伯華千戶長伯祥重修傍有祠
廟文
峰

永川橋

在十四都內破石嶺下陳鍾和重建

青陽縣志

卷一

營建志

四三

分川橋

在十四都小分流嶺下

楊沖橋

在縣西南五里邑民胡漢造

西保橋

在十四都西坑口

儒行橋

在對華門外邑民孫信建

塔水橋

在縣南三十里林口之上成化年間邑人陳有節建後
圯同治十三年陳彥甯朝倫等倡首勸捐重修

黃木橋

在縣南十五里進士吳淵建在文明坊側今廢

滙源橋

在縣西入都西館劉氏建乾隆三十五年劉必融其發
廷英重建

白鶴橋

在縣西十五里以水源自白鶴池故名

伏龍橋

在化城寺山麓橋上有亭涇縣查圖源建知縣蘇萬民
匾第一禪關

化城橋

即五溪橋在縣西二十里五水合流於下故名宋慶元
六年邑令傅誠建名曰午橋紹定丁未重修置屋於上

宣德三年洪水衝圮景泰四年僧會禮瑛重建後屢經廢建不一萬曆四年知縣蘇萬民新建兵備道副使馮叔吉改今名自爲記橋西建有望華亭元夷堂亭右有神師殿殿前有官房三間橋東建有陽華樓樓下有關帝廟及碑亭蘇令育記總叙其營造始末云 關帝廟後空地長十二弓橫六弓碑亭後空地長二十弓橫五弓乾隆三十四年高中堂晉重修自爲記

南流橋

在縣南六十里陵陽鎮西光緒十四年甯銑倡首重修

永亨橋

在縣六都槐花壠之西嘉靖四十四年知縣田登年建自爲記順治十二年傾圮十三年知縣楊夢鯉命鄉約

長何應典捐貲重修今改名望仙橋

章公橋

在縣西五里邑人章芥重修

東港橋

在縣北四十五里元至正間邑人章震隆造

蒲堂橋

在縣市北舊名洄湟宋嘉靖乙亥高坦程氏建洪武初知縣張文煜修因自號蒲塘散人改今名正統元年僧

青陽縣志

卷一

營建志

會禮英重修

竹溪橋

在十五都

分橋

在縣北五里舊名葉波宏治年間邑人孫俊建

烏金橋

在縣北十里抵貴池界

橫橋

在縣北十里萬曆五年邑民羅傳史欽臣建邑人孫杞記 本朝乾隆辛未年圮僧應兆募建後又圮江在鎔

捐金獨建同治庚子在鎔孫瑞重修

柯沖橋

在縣北十六里邑人章處恭建

磚橋

在縣北峽山之上居民史友乙建屢圮後史永甯易以石有記

東浴橋

在縣北七里知縣祝增建圮康熙癸未年黃檀潘氏捐貲重建乾隆庚子年圮曹如利捐貲建

城山橋

在縣北四十里

丁家橋

在縣北四十里萬曆五年知縣蘇萬民重建邑人吳秉肅記

車河橋

在縣北四十里銅陵界因本縣便民倉在大通鎮邑人羅璉建以便往來

鎖城橋

在北門外萬曆四十年邑令鄭元昭建四十八年邑令李如桂協成有記

城墩橋

在縣北二十里密塞溝湖稍居民羅璉建羅信記

青龍橋

在縣東北二十里古有橋名現龍圯久萬曆十一年冬知縣蔡立身令僧明高募貲耆民章世式羅孔元徐天

富等重建邑人施堯臣記

見龍橋

在二十四都後圯吳再祥修更名花園橋後圯吳廷芳後裔修

石堰橋

在縣東北三十里邑人章世創建

朱家渡

本都羅人龍設舡以濟行人

河口渡

通大通俱在縣北三十里

青陽縣志

卷一

營建志

四四

小石橋

在遂谷岩下水流巨石間或鋪平石上臥而觀之恒枕流也傍有大石字側書於上云端平甲午中和節廬陵

虞曾錢塘趙直建安劉煥四川梁明卿同來字頗清麗

會仙橋

在土香亭下

集慶橋

在廣福寺前半里許橋下水潺湲高低而下亦曰延慶橋

迎仙橋

在懷賢亭北

大仙橋

小仙橋

長五六丈闊三尺許傍臨不測之險兩岸欲絕一徑通之若畚土而成故名

百駕橋

即柏家橋離城十五里係木橋通徽要路一都胡可明公捐田五畝入分付翠華菴僧執管以爲永遠修橋之

費乾隆五十三年胡因現妻汪氏捐貲改建石橋

補載

善城橋

在十三都東溪明鄉飲陳世鑑子萬獎萬中建橋東東溪亭陳譚建

華溪橋

在十三都華溪陳宗貴等建名金鎖後即仍溪名乾隆己丑宗貴六世孫聖撰聖典重修秀水鄭煜記

青雲橋

在十三都華溪口臨海縣典史陳基鼎建

考坑橋

在十三都考坑菴前明南陽灣陳有讓建裔孫聖撰重修

三溪橋

在十三都三溪口南陽陳鮑等姓同建經營督理鮑本賢不憚其勞

暗坑橋

在十三都分水嶺南九華大路南陽灣貢生陳聖撰建

控鶴橋

在十三都白鶴山下庠生陳其位陳有俊陳丹松陳蒙均等建

邵村橋

在十三都山南章茂盛建

迎龍壩

在十三都鮑村九華山大路海甯州知州鮑鳴鳳築

北流橋

舊名分川橋在縣南五十里十一都小分流嶺腳乾隆癸巳年被蛟水冲庚子年甯崇二公派下重建立有碑

青陽縣志

卷一

營建志

記

烏木橋

在十一都青蓮菴茶亭下安徽通衢初橋架烏木數丈久而傾壞曹世容之妻桂氏節婦改建石梁乾隆十八

年又圯曹利令子孫修建名仍舊前明貢士曹春題亭壁詩有橋橫烏木三州路水映青螺九子峰之句

濟陽橋

在十一都曹家灣安徽通衢曹姓公建石橋

永安橋

在十一都崇覺寺城墩下永安街北頭

金雞橋

縣北三十里金雞壠下直接銅南要道中因水勢攔截章處恭將其兩岸糧田築石梁架石扛二孔後遇傾圮

其子孫修之至今攸利

南干橋

縣東三十里為青南通衢正德元年章效建後因洪水傾圮其子章芥重修

油榨橋

縣北三十里直接管埠水道宣德二年李虎生公建康熙五年橋裂其子孫修之

孝義橋

縣東三十里通南陵大路嘉靖七年章芥建後被洪水傾圮康熙四十二年其孫一俞重修

黃荆橋

縣北三十里通銅陵要路嘉靖十三年章岑建

永豐橋

縣東三十里通黃荆塔要道正德三年章效建俗呼為麻園橋

鎮華橋

在入都乾隆三十二年劉必融廷英建光緒元年蛟水傾壞眾姓修

秀蓉橋

在入都小蓉溪宋理宗年間錢一龍建圯 本朝康熙年間錢氏重建

通華橋

在華西壇石埠乾隆辛未年邑人錢正遜右順建

菖蒲橋

在入都五陽坡乾隆己巳年錢氏建又名虹岡橋

土橋

在入都五甲姜村下舊架木為梁上覆以土如棧道然康熙辛未易建石橋仍襲舊名

長隴橋

在九子嶺西乾隆四十五年汪氏建

水帶橋

在石村

梅村橋

在梅村黨

青陽縣志

卷一

營建志

東陽橋

城南二十九里徐良九後裔造道光壬午年後裔徐廷魁重建更名萬福橋訓導董桂山撰有碑記

永堅橋

胡村舖之右距城三十里徐文忠造

環橋

城南三十三里徐金山後裔造

方門橋

斜山之麓距城三十八里十四都徐倫建康熙甲子後裔徐理重建

天水橋

在縣治東門外九郎墩下雍正十三年起屢被洪水傾圮俱賀國甯修

揚美橋

縣東十五里兩省通衢袁欽一袁釗四合造

楊沖橋

縣西八里九華要道袁志遂造

海慧菴橋

西洪嶺西路袁志遂朱思誥合造

石龍口橋

縣西二十里北達五溪南通九華袁志遂造

湧泉橋

在縣東三十里吳廷芳造雍正二年吳安後裔修

仙洋橋

在縣東四里沿溪水口十七都通衢康熙三十九年程傑建

龍溪橋

在九華山之內會龍池之水下五溪

補載

石

橋在十三都省路口張姓於乾隆三十年建

潭溪橋

又名許家橋在陵陽鎮西

華陽橋

又名楊冲橋在陵陽鎮北道光年貢生甯文濤重修

青白山橋

在陵陽鎮西光緒十六年監生甯黻等倡捐建造

青壇橋

在十三都觀仁黨里許陳鍾標建

永濟橋

在十一都八甲廣福菴上首油榨下

夾濟橋

在十一都夾溪社廟前謝先錠謝金川同建

青陽縣志

卷一

營建志

四七

碧濟橋

在十一都八甲謝姓獅門前

水口橋

在十一都八甲水口村首謝敦仁建

三畝橋

在八都乾隆間錢惠仲建

分水橋

在八都乾隆間錢國典建

一心橋

在八都上陽坂道光己巳錢文溢建

世榮橋

在七都羅姓水口嘉慶十四年羅銘同世顯公造

雙溪橋

在七都宗文水口嘉慶十三年羅銘建

青龍橋

在七都范村水口嘉慶十五年羅惟源造

華西橋

又名三洞大卷石橋在城西二十五里趙村水口乾隆五十八年張傳耀羅惟源倡造

秀華橋

城西二十五里城頭坂嘉慶十六年張姓倡建

清溪橋 在羅城里道光年間劉文桂獨建

虎踞橋 在東館乾隆間劉福一支裔改建光緒元年水衝壞劉以鏞公修

仁豐橋 在東館乾隆劉福一支裔改建光緒十六年蛟水衝倒劉皆明修

永利橋 在杜村乾隆間劉廷英建

申明橋 在星溪乾隆間劉岳生建同治九年蛟衝壞劉養正倡修

雙虹橋 在入都四甲姜姓水口建自嘉慶五年

五陽橋 在錢村水口日遜建

南澗橋 在南社側錢虛山建

郭公嘴橋 乾隆甲午錢若順建

龍濟橋 在入都道光二十九年汪信二建

青陽縣志

卷一

營建志

四八

落駕橋 在七都眾姓同建

港濱橋 在入都乾隆四十七年劉綬支裔建

俞家橋 在入都闔姓建

華陽橋 在九都乾隆間劉寅初等倡建並記

余沖橋 在入都乾隆四十八年劉縉支裔建

華福橋 在入都乾隆五十五年劉子山支裔建

周家橋 在入都嘉慶間劉日良支裔建

鎖泉橋 在入都社村水口嘉慶戊午合族建

梅溪鎖鑰橋 嘉慶間林姓眾造

彩紅橋 在十一都通涇石太三縣要道嘉慶八年上章李姓建

雙溪橋 在十一都洪里水口通石太二縣要道乾隆二十年李滿林獨建

永平橋 縣東北三十里十九都境地嘉慶十五年甘士邦等督建同治十年甘紹榮孫誠之等重修

仙人橋 縣東北三十五里在十九都茗山天平二峰斷絕之處卷石積累上似彎弓下如橋洞相傳仙人造此以接二山龍脈

潼梓湖橋 縣北十里十八都白沙嶺下光緒八年眾捐重建

北河橋 縣東北二十五里在木鎮街口嘉慶年間章三多獨力創建道光十一年章福三後裔捐資郁林等督理同修

五畝橋 縣東北四十里為青銅南要道在二十三都蘇祠前向係五村合建原名五門橋

芭芒港渡 縣東北三十里向係石橋後易以木長約五六丈今廢土民章方等五姓倡首募捐義渡

喬木灣橋 縣東五十里屬二十一都洪姓境地

查河舖渡 縣北二十五里今廢屬十九都

青陽縣志 卷一 營建志 四九

管埠渡 縣北十九都計二十五里

駱家潭渡 縣北二十五里在十九都

塔潭渡 縣北二十五里十九都地

丹陽橋 縣北八里十八都境地乾隆五十一年候補州左堂曹如利建後圯嘉慶二十五年貢生汪敦彝倡建道光二
年洪水傾圯子志謙承父志捐囊
重修咸豐六年因匪壓境圯之

查河渡 道光初年民人阮德仁胡效惠等置船以便行旅

封建橋 在十五都乾隆間土廷封獨造道光間大水衝壞封裔重修光緒十六年山水圯倒封裔修

孚嘉橋 縣東二十里高田下

廣湖橋 縣東南通衢十五里嘉慶時李元芳同弟鑣建

雙河橋 在城東北河口向係木橋乾隆間吳士濂改造石橋後傾圯嘉慶間江振聲改建捲橋三洞

落鐘潭橋

在縣東二里平坂出水總口大水衝壞同治八年何金鈴修

太平橋

在城北七里光緒十二年十八都眾姓捐建

黃山寺橋

縣東三十里屬十九都道光十九年庠生湯執中倪紹興等同眾建造後頽壞光緒年間眾姓重修

貓兒刺橋

縣東二十五里亦名上南河橋屬十九都倪姓地嘉慶十年監生倪六韜倪國棟等率眾捐建

南河橋

縣東二十五里在十九都曹家灘嘉慶十一年監生阮彬式倡首輸二百五十金胡添丁輸一百三十五金倡

首勸捐始建
光緒初年圯

龍王橋

縣東三十里在湖水沖乾隆年間民人李任岡捐建

太平橋

縣東二十里屬十九都乾隆年間監生羅大儒獨力建造方孝治等監督

心田周家橋

縣東二十五里屬十九都

利濟橋

在十四都道光十七年里人徐玉馨倡首重建

青陽縣志

卷一

營建志

望春橋

在東城外光緒庚寅蛟洪陡發橋隄均塌同知江全煊獨力重建費金伍百餘兩邑侯華獎以利濟功深額

通衢橋

在焦家埠乾隆五十九年眾姓捐建光緒十六年蛟洪傾壞十七年同知江全煊捐金貳百餘兩重修

水磨橋

向架以木嘉慶二年民人吳學昇改造石橋二洞道光十九年洪水傾圯子尚謨承父志捐資重修

蒼龍石橋

奉祀生方南洲捐造

坊市

憲臺坊

在縣治東大察院前舊為仰止坊知縣蘇萬民重修匾曰風憲行台久圯萬歷三十四年知縣傅賓重立以磚

為之題
曰憲臺

天官坊

在縣治西察院前為吏部員外郎施宗德立今圯

京兆坊

在縣治西察院前為順天府府尹施篤臣立

進士坊

在縣市為僉事陳輕立今圯

冲霄坊 在縣東爲鄉進士王玘立今圯

世英坊 在妙音寺前爲鄉進士吳笈立

儒行坊 舊在縣市南俗名孫家巷

甲第坊 在高陽橋爲給事中章允賢立今圯

進士坊 十字街爲叅議章世仁立今圯

三代二品坊 在縣西關帝廟前爲湖廣左布政王一楨立今圯

青鎖颺言坊 在縣東察院前爲兵科都給事中吳文梓立

密院分猷坊 在縣市西爲兵部郎中羅賜祥立

江山會秀坊 今圯

科甲聯芳坊 在儒學前今改育英才崇正學二坊邑人徐昌元修水圯十七都人公修改爲德配天地道冠古今

青陽縣志

卷一

營建志

十一

坊二

貞節坊 在縣市西爲節婦汪氏

代天彰輝坊 在縣東察院前爲巡按山西監察御史劉光復立

節孝坊 在十三都鮑村水口河西社後爲錫筦妻甯氏建

節孝坊 在十三都鮑村豪口岑爲辰林妻陳氏建

氣凌江表坊 在縣東察院西爲忤稅被逮崇祀名宦吳一元立

祝聖道場坊 在妙音寺前

雲路坊 在儒林巷口知縣張燾建咸豐年兵燬同治六年蓉城書院重建

世美坊 在縣西公館前爲尙書徐養正子禮部員外郎徐秋鶚立今圯

柱史坊 在縣治西爲進士柯喬立今圯

登瀛坊 舊在清平橋南爲進士徐智立今圯

振綱肅紀坊 在縣東大察院前今圯

激濁揚清坊 在縣東大察院前今圯

善教坊 卽古保和坊在縣治前今圯

書錦坊 舊在十字街南今圯

純孝坊 舊在十字街北爲孝子何辰乙立今圯

仙隱坊 舊在縣市石柱巷西南今圯

儒林坊 在縣市東承天巷口今圯

殷家坊 舊在縣市西今圯

石柱巷 在縣市十字街南

青陽縣志

卷一

營建志

五二

仙隱巷 在石柱巷西南

何家巷 在縣市北

熙和巷 在縣市北

盧家巷 在縣市北妙音古路

通津巷 在縣之東北俗名油榨巷

楊家巷 在縣市東南

殷家巷 在縣東北通水巷

高陽市 卽縣之大街名

華雲深鎖坊 在塔寺前南康知府吳炳庶題戶科給事中高鶴書今廢

太白書堂坊 在書堂前邑人王友益始建書堂併建石坊置祀田以供春秋之祭王綸等重修

進士坊 在梅村黨爲工部郎中陳邦彥立今圯

江左名山坊 在大仙橋今廢

如來真境坊 在小仙橋俱萬曆六年知縣蘇萬民建今圯

百歲坊 在蔭橋舖爲耆民王正瓚立

孝感天地坊 在十四都石村爲孝子陳鎬建

未婚節孝坊 在十四都石村爲陳啟蒙妻胡氏建

兩世清操坊 陳勳妻徐氏陳光華妻李氏建

孝義坊 在南陽金墩街乾隆四十一年爲旌表孝子陳良臺建

昇平人瑞坊 在五溪橋西爲耆民袁滾龍立

皇華坊 在南陽華溪橋東爲行人陳昶建

青陽縣志

卷一

營建志

五二

行堪世範坊 在十一都河壩水口嘉慶十八年爲孝子李眉壽建

孝子坊 在十三都新村灣里里許爲孝子陳天惺建

亭榭

望華亭 在五溪橋側舊名玩華亭都御史彭禮建後廢萬曆五年兵備副使馮叔吉命知縣蘇萬民重建易今名趙世

顯詩乘興登臨日未西孤亭上與白雲齊九華突兀懸千嶂一水潺湲下五溪近寺僧歸青草路東風鶯語綠

楊隄憑欄無限超凡思何日紅塵息馬蹄

華陽亭 在九都西洪嶺西同治間鮑廷芳倡建亭外有菴

覽勝亭 在聖泉寺前僧宗道建

秀華亭 在延壽寺前李太白所命名也

靜觀亭 在崇壽寺前

心期亭 在無相寺前

半霄亭 在化城寺之中道傍無倚而立於空中以節遊者明陳鳳梧詩引繩千尺上高峰身在翠微第幾重隱隱鈞天

仙樂導層層鏡石白雲封潛龍洞杳藏秋雨伏虎岩高蔭老松徙倚半霄亭上景飄然物外寄行踪

湧泉亭 在半霄亭之下

碧霄亭 在半霄亭之上今廢

望江亭 在碧霄亭之上 本朝許承家詩澎湃江聲壯登臨試此亭浪浮千里白光逼萬山青洲島連荒漠蛟龍入窈

冥凭高脚眺望今古眼前萍

元覽亭 在望華亭之上萬曆六年知縣蘇萬民建今廢

懷賢亭 在化城寺禪堂之東賢蓋指李青蓮王陽明諸先生也今廢

緩步亭 在東岩之麓

青陽縣志

卷一

營建志

五四

漸昇亭 在緩步亭之上岩之翠微也今廢

環奇亭 在堆雲洞前今廢

摩空亭 在摩空嶺上俱萬曆七年知縣蘇萬民建今廢

一中亭 在甘泉書院之左南陵汪景邑人施宗道建今廢

秀綠亭 在頭陀嶺下取程雙峰詩一水綠遶環千峰秀攢聚之今廢

三級亭 在廣修院側岩泉左界懸流千仞飛瀉凡三激其石今廢

雪浪亭 三級水至此百餘步驚湍駭浪長如噴雪今廢

激清亭 在協濟祠前大溪環石清流激湍而一亭石上佳景也今廢

笑指亭 在地藏塔前今廢

洗心亭 舊志缺今補

玉香亭 在地藏塔下今廢

最勝亭 在玉甌峰下宣和中曹令機建五老獅子仙人羅漢諸峰環列聳秀不可名狀詩僧了機於亭前植茶名夢覺

香今廢

三笑亭 在淨信院前溪橋上取陶陸達公送過虎溪之意今廢

忘歸亭 在資聖菴前面揖五老對之可以忘歸

迎仙亭 在金剛尖分水嶺上今廢

翠瀑亭 在崇聖院前

夏玉亭 在翠瀑亭前

環翠亭 在西洪嶺北通縣治南趨九華前列雙峰後擁靈鶴東峙蓮花而蒼翠環遶故名

芙蓉館 在西協濟祠左宋嘉定中邑令林奇之建今廢

青陽縣志

卷一

營建志

五五

上安亭 在華西入都南貴池界劉氏建

上元亭 在華西入都亭後有甘泉井又名甘泉亭劉姓建

少休亭 在華西入都姜姓建

守望亭 在華西入都上置更樓防禦匪類劉姓建

奎山石亭 在上七都羅文祥建

奎山磚亭 在下七都周姓倡建

挹翠亭 在鎮華橋東庠生姜良遇建

鎮華亭 在鎮華橋西劉必融倡建

善慶亭 在九都桐村

同善亭 在化城寺東南光緒十五年僧法輪募建

捧日亭 在九華天台玉屏峰頂郡守李暉建

太和亭 在縣東十里宋邑人沈仲傑輸穀賑饑詔旌之遂作是亭徐秋鶚有志

永濟橋 在十三都頭天門內悠瀾坑水口石橋為青貴兩縣通衢蛟洪傾圯鮑永華捐貲獨修

將軍嶺橋 在十三都楊梅村水口為青石通衢衛千總林榮倡造石橋併修石路數十丈

